

分類補註李太白詩

六

分類補註李太白詩卷之十四

寄二十五首

廬山謠寄盧侍御虛舟

我本楚狂人鳳歌笑孔丘手持綠玉杖朝別黃鶴樓

五嶽尋仙不辭遠一生好入名山遊齊賢曰論語楚狂接

也廬山秀出南斗傍屏風九疊雲錦張影落明湖青

黛光金闕前開二峯長銀河倒挂三石梁香爐瀑布

遙相望迴崖沓嶂凌蒼蒼翠影紅霞映朝日鳥飛不

到吳天長齊賢曰江州廬山以庄俗隱此而名高二千三百六十

將弟子登廬山過石梁見一老坐桂樹下以玉杯承甘露與猛

記南北有瀑布無慮十餘處香爐峯與雙劍峯在瀑布之傍水源在

山頂或曰西為康王谷水簾東為開元禪院之瀑布于贊曰古詩所

宮遙相望莊子天之蒼蒼其正色耶張景陽詩朝霞迎白日謝瞻詩

不還黃雲萬里動風色白波九道流雪山好為廬山

謠興因廬山發閑窺石鏡清我心謝公行處蒼苔沒

齊賢曰淮南子曰黃泉之埃上為黃雲江賦流九派乎尋陽望賦望

山峙於西域毛詩我歌且謠列子西王母為王謠注徒歌曰謠張僧

鑿海陽記石鏡山東有一圓石懸崖明淨照人見形謝公謝靈運也

入彭蠡湖口詩曰攀崖照石鏡牽葉入松門三江事多往九江理空

存士贊曰盧諶詩登高眺遠荒阮籍詩登高望九州史記

相如封禪書曰斯事天下之壯觀西都賦盛娛遊之壯觀

丹無世情琴心三疊道初成遙見仙人綵雲裏手把

芙蓉朝玉京先期汗漫九垓上願接盧敖遊太清齊賢

曰黃庭內景經三疊琴心化胎仙古今註芙蓉荷花淮南子若士謂

盧敖曰吾與汗漫期于九垓之外又太清之治也和順以寂寞士贊

曰魏伯陽周易參同契曰色轉更為紫赫然成還丹又金來歸性初

乃得稱還丹纏子童無心曰無心即人也不達世情陶潛詩此志



以資萬類上題玉京為神王之宗下在紫微為飛仙之主千變萬化有德不德隨物感應厥跡無常

下尋陽城汎彭蠡寄黃判官

浪動灌嬰井尋陽江上風開帆入天鏡直向彭湖東
落景轉疎雨晴雲散遠空名山發佳興清賞亦何窮
石鏡挂遙月香爐滅彩虹相思俱對此舉目與君同

齊賢曰寰宇記漢高六年灌嬰開井年深湮塞孫權經此自標此地命工鑿之正得此井有石銘曰穎陰侯開不滿三百年當為應運者所開權以為已瑞江有風浪此水輒自漂動土人呼為浪井今在城內彭湖即彭蠡廬山石鏡並見前沈休文詩標峯彩虹外士贊曰江淹詩徘徊踐落景四蕃志九江山東有一圓石明淨照人如鏡曹植詩云相思無終極

書情寄從弟邠州長史昭

自笑客行久我行定幾時綠楊已可折攀取最長枝
翩翩弄春色延佇寄相思誰言貴此物意願重瓊甃
昨夢見惠連朝吟謝公詩東風引碧草不覺生華池

李詩註卷一四

臨翫忽云夕杜鵑夜鳴悲懷君芳歲歇庭樹落紅滋

齊賢曰古詩庭中有奇樹綠葉發華滋攀條折其榮將以遺所思陸機詩玉顏倬瓊髮張茂先詩遙遙獨延佇楚辭結幽蘭而延佇謝靈運嘗於永嘉西堂思詩竟日不就忽夢見惠連即得此塘生春草大以為工杜鵑見前江文通詩庭樹發紅彩蘭草含碧滋士贊曰楚詞飛龍翩翩王粲詩孤鳥飛翩翩潘岳詩流芳未及歇

寄王漢陽

南湖秋月白王宰夜相邀錦帳郎官醉羅衣舞女嬌
笛聲喧沔鄂歌曲上雲霄別後空愁我相思一水遙

齊賢曰漢書郎官出宰百里漢儀郎官給錦帳綉被古詩云被服羅裳衣隋大業中即沔口為沔州陸機詩哀音繞棟宇遺響入雲漢士贊曰宋袁粲為丹陽尹嘗步舞白楊郊野間遇一士大夫便呼與酬飲明日此人謂為知遇到門求進粲曰昨飲酒無偶聊相邀耳竟不與相見洛神賦披羅衣之耀繁兮舞賦羅衣從風古詩上言長相思又盈盈一水間脉脉不得語

春日歸山寄孟浩然

朱紱遺塵境青山謁梵筵金繩開覺路寶筏度迷川

嶺樹攢飛拱，岳花覆谷泉。塔形標海月，樓勢出江煙。
香氣三天下，鐘聲萬壑連。荷秋珠已滿，松密蓋初圓。
鳥聚疑聞法，龍參若護禪。愧非流水韻，叨入伯牙絃。
齊賢曰：易朱絃方來法華經云：黃金為繩，以界八道。金剛經云：我說法如綫，喻前者列子曰：伯牙鼓琴，志在流水，鍾子期曰：善哉！洋洋兮若江河。王質曰：方言：鐘謂之絃，編竹木浮河以運物。南土各籍北上名。後博雅：六祖得衣鉢，五祖送六祖上船云：只合吾度汝。六祖答云：迷時師度，悟了自度。道經云：三天者：清微天、禹餘天、太赤天也。鮑照詩：萬壑勢紫回。

流夜郎永華寺寄潯陽羣官

朝別凌煙樓，暝投永華寺。賢豪滿行舟，賓散予獨醉。
願結九江流，添成萬行淚。寫意寄廬嶽，何當來此地。
天命有所懸，安得苦愁思。
齊賢曰：太宗正觀十七年二月，圖九江郡禹貢九江孔殷中庸天命之謂性。王質曰：漢酈食其傳賢豪不敢役，又豪英賢材皆樂為之用。陶潛詩：樂夫天命復奚疑。

流夜郎至西塞驛寄裴隱

齊賢曰：正觀十六年開山洞置珍州，并置夜郎驛。韋樂源元和二年州廢，夜郎等縣屬溱州。

揚帆借天風，水驛苦不緩。平明及西塞，已先投沙伴。
迴巒引羣峯，橫蹙楚山斷。
齊賢曰：去宏東征賦：沿西塞之峻。地理既迫，又云江南歌不緩，謝玄暉詩：雲端楚山見。王贊曰：古樂府：枯桑知天風，反撥通傳曰：先平明。砥衝萬壑會，震沓百川滿。龍怪潛湏波，俟時救炎旱。我行望雷雨，安得沾枯散。鳥去天路長，人愁春光短。空將澤畔吟，寄爾江南管。

自漢陽病酒歸寄王明府

去歲左遷夜，郎道琉璃硯。水長枯槁今，歲勅放巫山。
陽蛟龍筆翰，生輝光聖主。還聽子虛賦，相如却與論。

齊賢曰：江賦：最鼓作。注：冰小最最之聲。立曰：昔水吟澤畔。王贊曰：鮑照登雷岸與妹書：騰波觸天，高浪灌日。否可百川。高州萬壑，神長然。昌言曰：揚揚乎若昇天路，而不知其所。登子若昇天路也。曹植詩：天路安可窮。

文章願掃鸚鵡洲與君醉百場
嘯起白雲飛七澤歌
吟淥水動三湘莫惜連船沽美酒
千金一擲買春芳

齊賢曰莫諸侯上表曰武有嶺山淮南之謀作左官之律師古曰降
我為左遷之者笑為左官巫山縣在襄東漢書武帝讀子虛賦而善
之幸見前野洲七澤淥水曲三湘並見前王贊曰鮑照詩千金顧
笑買弄弄年不書曰張懷白曰一擲出手得盧曹植詩美酒十千
雲詩傳瑞生光輝西都賦序崇禮官考文章

望漢陽柳色寄王宰

漢陽江上柳望客引東枝
樹樹花如雪紛紛亂若絲
春風傳我意草木別前知
寄謝弦歌宰西來定未遲

下益貞曰前漢書志述曰曰
紛紛紛師古曰紛紛雜亂也

江夏寄漢陽輔錄事

誰道此水廣狹如一匹練
江夏黃鶴樓青山漢陽縣
大語猶可聞故人難可見
君草陳琳檄我書魯連前

報國有壯心龍顏不迴眷

齊賢曰毛詩誰謂河廣一葦杭之
謝玄暉詩澄江淨如練唐郭州之

百夏郡治江夏縣黃鶴樓在郡城之東南與漢陽縣大別山相望止
一水陳琳檄為表忽豫豫州又為曹操檄吳諸將操讀檄草頭風自愈
魯連書非見二卷註士贇曰古詩故人心中尚爾何致祖詩道深難可
期晉書楊宣頌宋隱曰身不可見名不可求馬岌造焉拒不見岌嘆
曰名可聞而身不可見人中龍也魏武帝詩曰烈士暮年壯心不已
黃鳥帝紙龍準而龍顯曹植表曰如葵之傾太陽雖不為之廻光而
願之者誠也
西飛精衛鳥東海何由填
鼓角徒悲鳴樓船習

征戰抽劍步霜月夜行空庭
徧長呼結浮雲埋沒顧
榮扇他日觀軍容投壺接高宴

齊賢曰精衛填海事見前
公孫贊曰嶺角鳴於地中
東越傳樓船將軍揚揚出武林晉廣陵相陳敏反以顧榮為丹陽內
更榮潛謀政敏敏不獲濟以羽扇麾之其眾貴救唐南顧軍交使
東漢書榮為將軍對酒設樂必雅歌投壺王贊曰西京雜記武帝
作昆明池以習水戰也周回四十里中有戈船樓船各數百艘樓士
連檣皆及解上建文一可
古詩上真浮雲齊

早春寄王漢陽

聞道春還未相識走傍寒梅訪消息
昨夜東風入武

陽陌頭楊柳黃金色碧水浩浩雲茫茫美人不來空

斷腸預拂青山一片石與君連日醉壺觴齊賢曰屈原為

為君子范曄傳秦昭王遺平原君書曰君幸過寡人寡人願與君為

十日之飲士贇曰東漢書張升曰若不用識從物何益蜀志費禕傳

諸葛亮與孟達書曰承知消息慨然未嘆景福殿賦淶水浩浩楚詞

莽茫茫之無涯魏文帝秋胡行曰朝與佳人期月夕殊不來又雜詩

云向風長嘆息斷絕我中腸玉泉子更信自南朝至北方推愛温子

昇所作韓山寺碑或問信曰北方何如曰惟韓山一片石堪真語餘

若驢鳴狗吠耳此用其字陶潛歸去來詞引壺觴以自酌

江上寄巴東故人

漢水波浪遠巫山雲雨飛峩峩風吹客夢西落此中時

覺後思白帝佳人與我違瞿塘饒賈客音信莫令稀

齊賢曰宋玉高唐賦序曰妾在巫山之陽高丘之岵曰為朝雲暮雨為

行雨白帝城在舊夔州瞿唐關山上下瞰瞿塘壩

江上寄元六林宗

霜落江始寒楓葉綠未脫客行悲清秋永路苦不達

滄波眇川汜白日隱天末停棹依林巒驚猿相叫聒

齊賢曰楚辭招魂云湛湛江水兮上有楓宋玉九辯悲哉秋之為氣

也蕭瑟兮草木搖落而變衰毛詩江有汜美媵也汜音祀江文通詩

白日隱寒樹士贇曰陸雲詩山河安可踰永路隔萬里

夜分河漢轉起視溟漲闊涼

風何蕭蕭流水鳴活活漉沙淨如洗海月明可掇蘭

交空懷思瓊樹詎解渴勗哉滄洲心歲晚庶不奪幽

賞頗自得興遠與誰豁齊賢曰光武紀夜分乃寐謝靈運帆

蕭兮易水寒毛詩河水洋洋北流活活李陵詩思得瓊樹枝以解長

飢渴謝玄暉詩後協滄洲趣士贇曰古詩河漢清且淺武詩征夫

懷往路起視夜向其觀武帝短歌行明明如月何時可掇書易哉夫子尚桓桓

寄從弟宣州長史昭

爾佐宣州郡守官清且閑常誇雲月好邀我敬亭山

五落洞庭葉三江游未還相思不可見歎息損朱顏

齊賢曰百官志上州刺史一人從三品別駕一人從四品下長史一人從五品則長史州佐也敬亭山及三江並見前楚辭屬屬兮秋風洞發波兮木葉下士贊曰陸機詩纖手清且閑曹植詩相思無終極管書宋纖不與出交居于酒泉南山不應州郡辟命太守馬岌數日各可聞而身不可見德可仰而形不可覩吾今而後知先生人中之龍也陶潛詩歌竟長歎息王康琚詩疑霜凋朱顏

涇溪東郡寄鄭少府諤

宣城

我遊東亭不見君沙上行將白鷺群白鷺行時散飛去又如雪點青山雲欲往涇溪不辭遠龍門蹙波虎轉眼杜鵑花開春已闌歸向陵陽釣魚晚

齊賢曰東亭在宣城郡國

宣州九日聞崔四侍御與宇文太守遊敬亭

余時登響山不同此賞醉後寄崔侍御二首

九日茱萸熟神髮傷早白登高望山海滿目悲古昔

遠訪投沙人因為逃名客故交竟誰在獨有崔亭伯

全詩卷一四

齊賢曰屬土記云俗於九月九日折茱萸房以插頭言辟邪惡西京雜記武帝宮人買蘭佩茱萸飲菊花酒續齊諧記桓景隨費長房游數年長房忽謂曰九月九日汝家當有大災可速去去今家人作絳囊盛茱萸葉繫臂登高以飲菊花酒此禍可消景如其言舉家登高夕還見牛羊雞犬皆暴死原作懷沙賦於是懷石自投泪羅以死謝靈運詩投沙理既迫後漢法真深自隱絕終不降屈友人郭正稭之曰法真各可得聞身難得而見逃名而名我隨避名而名我追可謂百世之師矣崔駰字季伯涇郡安平人為實憲主簿憲不能容出為長岑長驥自以遠去不得意遂不之官而歸士贊曰宋玉賦登高遠望使人心碎樂府題有登高丘望遠海鮑明遠詩紛紛徒滿目七詩侯誰在

重陽不相知載酒任所適手持一枝菊調笑二千石日暮岸幘歸傳呼隘阡陌形襜雙白鹿賓從何

輝赫夫子在其間遂成雲霄隔

齊賢曰揚雄贊曰時有好事者載酒肴從游學謝靈

運詩調笑輒酬答漢太守秩二千石東觀漢記馬援初到敕令中黃門引入時上在宣德殿南無下但岸幘坐玉篇襜尺占切蔽也鄭弘初為淮陰守行春大早隨車致雨白帝方道按轂而行范滂龍張徐州云賓從皆珠玑士贊曰列子云窮年不相知情荀子云日月不高其輝不赫

良辰與美景兩地方虛擲晚從南峯歸蘿月下

水壁却登郡樓望松色寒轉碧咫尺不可親棄我如

遺鳥

齊賢曰謝靈運曰良辰美景賞心樂事四者難并北山移文之

重與世子啓曰僕棲遲無事咫尺第國語楚關且語其弟曰靈王不顧於氏一國棄如遺迹焉史主父偃傳曰賓客棄我毛詩棄予如

其二

九卿天上落五馬道傍來列戟朱門曉褰帷碧帳開
登高望遠海召客得英才紫綬歡情洽黃花逸興催
山從圖上見溪即鏡中迴遙羨重陽作應過戲馬臺

齊賢曰五馬事見前賈琮為冀州刺史之部升車曰刺史當遠視廣覽何反垂帷裳以自掩命御者斐之孟子樂得英才而教育之月令

寄崔侍御

李詩註卷十四

七

死溪霜夜聽猿愁去國長如不繫舟獨憐一鴈飛南

海却羨雙溪解北流

齊賢曰宣州南陵縣有死陵監即死溪

莊子云越之流人去國旬月江淹別賦一高人屢解陳蕃榻還

客難登謝眺舟此覲別離同落葉朝朝分散敬亭秋

齊賢曰陳蕃為豫章守不接賓客唯徐孺來特設一榻去則懸之謝

涇溪南藍山下有落星潭可以卜築余泊舟

石上寄何判官昌浩

藍岑聳天壁突兀如鯨額奔蹙橫澄潭勢吞落星石
沙帶秋月明水搖寒山碧佳境宜緩棹清輝能留客
恨君阻歡遊使我自驚揚所期俱卜築結茅鍊金液

齊賢曰藍岑嶺涇縣去宣州西一百里天台賦博望立之翠屏并海瀛

金銀液經士贊曰謝靈運詩天高秋月明

早過漆林渡寄萬巨

西經大藍山南來漆林渡水色倒空青林煙橫積素
漏流昔吞翕沓浪競奔注潭落天上星龍開水中霧
嶢巖注公柵突兀陳焦墓嶺峭紛上千川明屢迴顧
因思萬夫子解渴同瓊樹何日覩清光相歡詠佳句

齊賢曰大藍山即前蓋山也沈休文詩長煙引輕素徐敬業詩危樓峻上千李陵詩思得瓊樹枝以解長飢渴晁錯策云莫能望陛下之清光士贊曰謝惠連詩浮氛晦崖巘積素惑原野木華海賦蛟虬孤遊子虛賦交錯糾紛上千青雲徐敬業詩危樓峻上千毛詩箋曰迴顧首曰

遊敬亭寄崔侍御

一本作登古城望府中寄崔侍御其不同處悉重出

我家敬亭下輒繼謝公作相去數百年風期宛如昨
登高素秋月下望青山郭俯視鴛鷺群飲啄自鳴躍

李詩音卷十四

齊賢曰謝玄暉敬亭山詩云茲山巨萬里合沓與雲齊隱淪既已靈異俱然樓上千蔽白日下屬帶迴溪士贊曰潘岳詩念此如昨日誰知已千年謝靈運詩遠志以如昨二紀及茲年阮籍詩登高望九州梁元帝纂要曰秋曰素秋劉楨與臨淄侯書曰肅以素秋則落也江淹詩素秋馳白日莊子曰澤雉十步一啄百步一飲世說張華見褚陶語陸平原曰君兄弟龍躍雲津顧彥先鳳鳴朝陽謂東南之寶已盡不意復見褚生陸曰公未覩不鳴不躍者耳

夫子雖蹭蹬瑤臺雪中鶴獨立

窺浮雲其心在寥廓時來顧我笑一飯葵與藿世路
如秋風相逢盡蕭索腰間玉具劔意許無遺諾壯士
不可輕相期在雲閣

齊賢曰海賦躡躑躅窮波注失勢之貌離騷曰望瑤臺之偃蹇方喻蜀父老曰猶鷦鷯之翔乎寥廓之上寥廓也廓空也本草鳧葵甚食即芥菜也莊子音義藿豆葉王莽傳玉具寶劔袁陽詩一朝許人諾士贊曰陸機詩無以肉食資取笑葵與藿劉孝標廣絕交論世路嶮巖魏文帝詩秋風蕭瑟天氣涼陶潛詩蕭瑟空宇中

三山望金陵寄殷淑

三山懷謝眺水澹望長安蕪沒河陽縣秋江正北看
盧龍霜氣冷鳩鵲月光寒耿耿憶瓊樹天涯寄一歡

袁賢曰山謙之丹陽記江寧北十二里濱江有三山相接即名爲三山高時津濟道也謝玄暉晚登三山還望京邑詩曰瀾溪望長安河陽視京縣唐平州北平郡治盧龍縣漢書注鳩鵲觀在雲陽片泉宮外謝玄暉詩金波麗鳩鵲世說王戎云太尉神姿高徹如瑤林瓊樹自然風塵表物大尉五術也王贊曰蕪城賦稜稜霜氣蔽蔽風威江淹詩願一見顏色不異愛樹枝

自金陵泝流過白壁山翫月達天門寄句容

王主簿

滄江泝流歸白壁見秋月秋月照白壁皓如山陰雪幽人停宵征賈客忘早發進帆天門山迴首牛渚沒川長信風來日出宿霧歇故人在咫尺新賞成胡越

寄君青蘭花惠好庶不絕

齊賢曰王子猷居山陰夜雪初霽大江東曰博望西曰天門郡國志天門亦曰峨眉山輿地志博望梁山東西隔江相對如門九域志太平州當塗縣有采石鎮即古牛渚温嶠至牛渚燬犀照水族處左傳一宿爲信過信爲次屈平九歌曰秋蘭兮青青毛詩惠而好我王贊曰任昉詩滄江路窮此毛詩箋曰回首曰顧漢古詩故人心尚爾左傳天威不遠顔咫尺漢鄒陽傳意合則胡越爲兄弟

李詩註卷十四

九

寄上吳王二首

淮王愛八公携手綠雲中小子忝枝葉亦攀丹桂叢謬以詞賦重而將枚馬同何日背淮水東之觀士風

齊賢曰淮南八公及梁枚馬事並見前太白與聖皇帝九世孫與唐同出故云忝枝葉左傳公族公室之枝葉淮南子招隱士曰桂樹叢生兮山之幽又攀援桂枝兮聊淹留王贊曰毛詩携手同行鮑照詩曰垂絲綠雲中

其二

坐嘯廬江靜閑聞進玉觴去時無一物東壁挂胡床

齊賢曰當塗傳曰南陽太守岑公孝弘農成瑨但坐胡床廬江郡治合肥黃香天子頌獻萬年之玉觴德澄綠廬慧能偈曰本來無一物魏岑裴潛爲兖州時嘗作一胡床及其去也留以挂柱王贊曰傳毅舞賦陳裊席而設坐兮溢金壘而列玉觴

其二

英明廬江守聲譽廣平籍洒掃黃金臺招邀青雲客客曾與天通出入清禁中襄王憐宋玉願入蘭臺宮

齊賢曰謝眺詩廣平聽方籍注鄭表為中郎會廣平太守缺宣帝謂
表曰賢叔垂稱於平陽故復相屈黃金臺事見前伯夷傳問巷之人
欲砥行立名者非附青雲之士惡能施於後世哉宋玉風賦曰楚襄
王游於蘭臺之宮宋玉景差侍中贊曰劉向列仙傳曰安公
安公治與天通漢霍光傳出入禁闕二十餘年毛詩君子有微猷箋
曰有美道以得聲譽周國語為公聞嘉譽以聲之漢陸賈傳名聲籍
甚

分類補註李太白詩卷之十四

分類補註李太白詩卷之十五

留別

秋日魯郡堯祠亭上宴別杜補闕范侍御中

我覺秋興逸誰云秋興悲山將落日去水與晴空宜

曾酒白玉壺送行駐金羈歇鞍憇十木解帶挂橫枝

歌鼓川上亭曲度神颯吹一本無此兩句却添入南歌憶郢

紛透迤一隔范杜游雲歸碧海夕鴈沒青天時相失各萬

里茫然空爾思齊賢曰潘岳秋興賦曰善乎未玉之言曰悲哉

如玉壺水曹植詩白馬飾金羈易曰或鼓或罷或泣或歌西京賦度

曲未終雲起雪飛應邵曰自隱夢作新曲師古曰度大各切十洲記

碧海在東海中詩豈不爾思士贊曰沈約詩解帶來清風古詩相去

別魯頌

誰道泰山高下却魯連節誰云秦軍衆摧却魯連舌

獨立天地間清風洒蘭雪夫子還倜儻攻文繼前烈

錯落石上松無為秋霜折贈言鏤寶刀千歲庶不滅

士贊曰魯仲連事見前揚雄河東賦參天地而獨立方晉忠義傳序

曰激清風於萬古尚書公劉克篤前烈西都賦隋侯明月錯落其間

別中都明府兄

吾兄詩酒繼陶君試宰中都天下聞東樓喜奉連枝

會南陌愁為落葉分城隅淥水明秋日海上青山隔

暮雲取醉不辭留夜月鴈行中斷惜離羣齊賢曰陶君

都縣隸鄆州蘇武詩况我連枝樹與子同一身毛詩俟我於城隅江

淹詩曰暮碧雲合禮記兄之齒鴈行又離羣索居王贊曰史文帝絕

夢遊天姥吟留別一作別東魯諸公

大王賢聖仁孝聞於天下南史四王傳曰悲落葉落葉何時還宿昔

其本根無復一相閱江淹賦遷客海上揚曰進退無常非離羣也

海客談瀛洲煙濤微茫信難求越人語天姥雲霓明

滅或可覩天姥連天向天橫勢拔五嶽掩赤城天台

四萬八千丈對此欲倒東南傾我欲因之夢吳越一

夜飛度鏡湖月齊賢曰瀛洲事見前甌州麗水縣有天姥山與括蒼山相連石壁上有字高不可識春月則聞

蕭鼓笳吹聲謝靈運詩暝投剡宿明登天姥岑天台賦赤城霞起而建標十道四番志天台山高一萬八千丈周圍八百里任昉記越州鏡湖世傳軒轅鑿鏡湖邊因得名士贊曰楚辭天問湖月照我

曰康回憑怒地何故以東南傾列子曰地不滿東南影送我至剡溪謝公宿處今尚在淶水蕩漾清猿啼

脚着謝公屐身登青雲梯半壁見海日空中聞天雞

齊賢曰謝靈運移籍會稽脩營桂田業傍山帶江盡幽居之美尋山陟嶺常着木屐靈運詩共登青雲梯應邵漢官儀泰山名曰日觀雞一鳴時見日欲出三丈所王贊曰剡溪即剡中靈運詩暝投剡中宿處景福殿賦淶水浩浩玄中記桃都山有大樹曰桃都枝相去三千里上有天雞日初出照此木天雞即鳴天下千巖萬轉路不

定迷花倚石忽已暝熊咆龍吟殷巖泉慄深林兮驚

層巒雲青青兮欲雨水澹澹兮生煙齊賢曰由說顧長康從會稽還云千巖萬

秀萬壑爭流毛詩敷其靈囿音隱士贊曰鮑照詩千巖萬壑阻積萬壑勢紫迴劉安招隱士曰叢薄深林兮人上慄又虎豹關兮熊羆咆張衡曰龍吟方澤謝眺詩生煙紛漠漠列缺霹靂立巒崩摧洞天石扇訇然

中開青冥浩蕩不見底日月照耀金銀臺齊賢曰揚雄校獵賦霹靂

列缺吐火施鞭唐中觀中華陰雲臺觀法師隨長公弼行三二十里援羅縻葛至一石壁削成高千餘仞下臨無底之谷一徑闊數寸法師隨公弼側足而立公弼乃以指扣石壁中有人問曰為誰對曰其君兮紛紛而來下虎鼓瑟兮鸞回車仙之人兮列如

遂劃然開一門中有天地日月法師隨公弼入因闔門則又成石壁矣郭璞詩但見金銀臺士贊曰楚詞覓為衣兮風為馬雲之

據青真而憑紅又楚靈脩之浩蕩麻忽覓悻以鬼動恍惚驚起而長嗟惟覺時之枕席失

向來之煙霞齊賢曰屈原東君曰青雲衣兮白霓裳郊祀歌曰靈之下兮若風馬河伯曰與汝遊兮河之渚流澌

紛兮將來下田延年傳曰使我至今病悻說文悻心動也王贊曰莊子死為輪神為馬楚詞既亡鸞車之幽藹兮鸞八龍之凌逝世

闔行樂亦如此古來萬事東流水別君去時何時還

且放白鹿青崖間須行即騎訪名山安能摧眉折腰
重權貴使我不得開心顏齊賢曰揚惲曰人生行樂耳士資
子何時還神仙傳衛反鄉騎白鹿事見前集仙傳西王母遣使白虎
之神乘白鹿集于黃帝之庭陶潛不為五斗米折腰事見前史惟夫
等傳論曰武安負貴而好
摧謝靈運詩開顏披心解

留別曹南羣官之江南

我昔釣白龍放龍溪水傍道成奉欲去揮手凌蒼蒼
時來不關人談笑遊軒皇獻納少成事歸休辭建章

齊賢曰凌陽山賢子明釣龍得仙事見前謝靈運詩揮手告鄉曲莊
子曰天之蒼蒼其正色耶軒皇黃帝西京賦建章是經士贊曰陶潛
詩時來苟宜會范曄後漢書井丹傳曰自是隱閉不關人事以壽終
壯固兩都賦序曰朝夕論思日月默納莊子云許由曰歸休乎君予
無所用天下為陶潛詩開
歲條五十五吾生行歸休十年罷西笑覽鏡如秋霜閉劍

琉璃匣鍊丹紫翠房身備豁落圖書垂虎盤囊仙人

駕綵鳳志在窮遐荒齊賢曰桓子新論人有聞長安之樂則
出門西向而笑神仙傳安期先生乘馭

麟着朱衣遠游冠帶玉佩及虎頭盤囊年二十許張老與妻劉氏赴
蓬萊各騎一鳳餘騎鶴向東而去鄴中記石虎改虎頭盤囊為龍頭
盤囊班固與弟超書曰遺仲叔亮頭盤囊金銀鈎士贊曰集仙傳西
王母所居宮闕在龜山有城九層玄室紫翠丹房左帶瑤池右環翠
水豁落圖事見十卷註又道經太上老君曰凡欲修行大洞真經三
十九章離一玉檢五老寶經玄母簡十一上願佩神虎金虎符豁落
七元流金火鈴消魔隱呪威制萬靈飛步五星存注七元思真行道
上求天仙合服神丹飛騰靈丸名書又圃冠成七仙史孝山出師頌
曰恩沾
遐荒

戀子四五人徘徊未翱翔東流送白日驟歌

蘭蕙芳仙宮兩無從人間久摧藏齊賢曰毛詩將翔將翔
楚辭光風轉蕙泛崇蘭

劉越石詩抱膝獨摧載士贊曰漢息夫躬傳鸞準橫厲鸞徘徊宋玉
對楚王問曰鳳凰上激九千里絕雲霓負青天翱翔乎杳冥之上

范蠡說句踐屈平去懷王飄飄紫霞心流浪憶江鄉
愁為萬里別復此一街觴齊賢曰范蠡事句踐滅吳報會稽
之恥為書辭句踐乃裝其輕寶珠

王自與其私徒屬乘舟浮海以行終不反越句踐表會稽山為蠡奉
邑屈平去懷王事見前士贊曰趙景真與嵇茂齊書曰飄飄遠遊之
士何敬祖詩心孟龍自輕飄飄若仙步郭璞詩升降瀟雲煙飄飄戲
九咳陸機詩輕筆乘紫霞鮑照詩流浪漸舟經二嶽江淹別賦暫游
萬里下
別千年淮水帝王州金陵繞丹陽樓臺照海色衣馬搖

川光及此北望君相思淚成行朝雲落夢渚瑤草空

高堂帝子隔洞庭青楓蕭蕭湘齊賢曰謝眺詩金陵帝王

山神女曰為朝雲事見前夢渚雲夢之渚通典江陵縣有楚渚宮江
渚詩瑤草正翕絕蕭湘洞庭帝子事見前王贊曰按秦淮水在上元
縣南秦始皇時望氣者言金陵有天子氣使朱衣鑿山為瀆以斷地
脈改金陵為秣陵晉陵秋云秦開故曰秦淮或云淮水發源在曲不
類人工江淹詩懷君路綿邈覽古情淒涼登岳眺百川

杳然萬恨長知戀峨眉去弄景偶騎羊齊賢曰毛詩豈
不懷歸峨眉縣

在嘉州內觀經老君曰騎羊真人金堂玉室十贊曰何
敬祖詩長懷慕仙類眇然心綿邈晉盧諶有覽古詩

留別于十一兄述裴十三遊塞垣

太公渭川水李斯上蔡門釣周獵秦安黎元小魚鏡
兔何足言天張雲卷有時節吾徒莫嘆羝觸藩于公
白首大梁野使人悵望何可論既知朱亥為壯士且
願東心秋毫裏秦趙虎爭血中原當去抱關救公子

裴生覽千古龍鸞炳文章悲吟雨雪動林木放書輟

劍思高堂勸爾一杯酒拂爾裘上霜爾為我楚舞吾

為爾楚歌且探虎穴向沙漠鳴鞭走馬凌黃河恥作

易水別臨歧淚滂沱齊賢曰秦青抗節悲歌聲振林木世說
太元末長星見孝武舉杯屬星云長星

勸爾一杯酒留侯世家云上曰為我楚舞吾為若楚歌呂蒙曰不探
虎穴安得虎子謝靈運詩鳴鞭適大河荆軻入秦太子及賓客至
易水之上既祖取道高漸離擊筑荆軻和而歌為變徵之聲士皆垂
淚泣涕毛詩涕泗滂沱王贊曰太公李斯事並見二卷註魏子洵且
倫二切狡兔也又兔子易抵羊觸藩羸其角大梁夷門監者侯羸為
朱亥與魏公子無忌奪晉鄙兵救趙事見四卷註吳質答魏太子牋
曰臨漳下筆龍鸞之文奮矣班固
兩都賦序曰文章炳然二代同風

留別王司馬嵩

曾連賣談笑豈是顧千金陶朱雖相越本有五湖心

余亦南陽子時為梁甫吟蒼山容偃蹇白日惜頽侵

王贊曰曾仲連陶朱公諸葛亮梁甫吟事並見前劉安招隱七曰願
柱樹叢生兮山之幽偃蹇連蹇兮技相縵王粲詩白日忽已曠願

一佐明主功成還舊林西來何所為孤劍託知音

愛碧山遠魚遊滄海深呼鷹過上蔡賣畚向嵩岑他

日閑相訪丘中有素琴齊賢曰陸雲詩知音信所稀呼鷹臺在鄧州東南一里劉表所築史李斯

謂中子曰吾欲與若牽黃犬出上蔡東門何可得也見前王猛家貧賤以鬻禽畜為生常貨畚於洛陽有一人貴買其畚無道可隨我取益從烈至深山見一老鬻髮皓然據胡床而坐左右十人有一人引益進拜父老曰王公何緣拜也乃十倍償畚畜素琴一張王贊曰老子道

嵩高山詩丘中有麻彼留子嗟陶淵明蓄素琴一張王贊曰老子道德經功成各遂身退天之道也東方朔十洲三島記滄海在北海中地方三千里海四面繞島各五十里水皆滄色仙人謂之滄海無風而洪波百丈

還山留別金門知己

好古笑流俗素聞賢達風方希佐明主長揖辭成功
白日在青天迴光矚微躬恭承鳳凰詔歛起雲羅中
清切紫霄迴優游丹禁通君王賜顏色聲價凌煙虹

齊賢曰尚書序好古博雅君子孟子同乎流俗又聞伯夷之風者項夫廉左思詩功成不受賞長揖歸田廬鳳詔見前梁簡文帝賦升紫霄

之丹地劉楨詩拘限清切禁賈山至言人主開道而求諫和顏色而受之顏延年藉曰馬賦聲價隆派士贊曰謝靈運詩賢達不可經劉

孝標廣終交論曰斯賢達之素交左思詩皓天舒白日靈景曜神州曹植求通親親表若葵藿之傾太陽雖不為之迴光然向之者誠也

沈約詩便欲息微躬風俗通曰張乘輿擁翠蓋扈從金城東伯坐養聲價鮑照詩輝石亂煙虹

寶馬驟絕景錦衣入新豐倚巖望松雪對酒鳴絲桐

方學揚子雲獻賦甘泉宮天書美片善清芬播無窮

歸來入咸陽談笑皆王公齊賢曰孟子今乘輿已駕矣曹子建表從華蓋侍輦較上林賦扈從

橫行出乎四校之中過秦論金城千里大白應制為樂章明皇嘗賜之錦袍新豐見前顏延年詩山明空松雪謝宣遠詩中堂起絲桐子雲獻賦見前鮑明遠詩片善辭章兼奏都咸陽十贊曰甘泉賦咸翠蓋而鸞旗陸機詩翩翩翠蓋羅史李斯傳中廚之寶馬臣能賜之陸

機文賦誦先人之清芬晉書列女傳贊清芬靡一

落成飛蓬賓友日踈散玉樽亦已空長才猶可倚不

慚世上雄閑來東武吟曲盡情未終書此謔知己扁

舟尋釣翁齊賢曰金馬門見前毛詩首如飛蓬蓬口纂載記盜發張

其人才足依也魏武吟註東武大山皆齊之士風絃歌謳吟之曲名也士贊曰樂府東武吟註銑曰人有少壯征伐年老被棄游於東武者不敢論功但戀君耳故託遠以言之東武大山下小山名阮籍詩娛樂未終極漢司馬遷傳曰士為知己者用東漢橋玄傳曰曹植感其知已前舟范蠡事見前

夜別張五

吾多張公子別酌酣高堂聽歌舞銀燭把酒輕羅霜
橫笛弄秋月琵琶彈陌桑龍泉解錦帶為爾傾千觴

齊賢曰樂書橫次曲曰下馬吹橫笛釋名曰推手前曰引手却曰琵琶陌上桑古曲名龍泉劍名鮑照詩錦帶佩吳鉤士贊曰陸機詩置酒高堂悲歌臨觴馬都賦曰吉辰良置酒高堂晉孝武紀史臣論曰舞一醉於崇朝飛千觴於長夜

魏郡別蘇明府因北游

魏都接燕趙美女誇芙蓉淇水流碧玉舟車日奔衝
青樓夾兩岸萬室喧歌鍾天下稱豪貴遊此每相逢

齊賢曰魏地與燕趙相接趙記曰女子盛飾洽容晉絲竹長袖傾絕諸侯西京雜記卓文君臉際常若芙蓉唐衛州有清淇縣毛詩衛淇

奧言淇水之隈也曹子建詩青樓臨大路齊書世祖於樓上施青漆世謂之青樓士贊曰左傳歌鍾二肆鮑照詩庭下列歌鍾

陽蘇季子劍戟森詞鋒六印雖未佩軒車若飛龍黃
金數百鎰白璧有幾雙散盡空掉臂高歌賦還功落
魄乃如此何人不相從遠別隔兩河雲山杳千重何

時更杯酒再得論心曾

齊賢曰史記蘇秦洛陽人字季子去游燕說燕文侯曰與趙從親於是資秦車馬金帛以行說趙趙肅侯乃飾車百乘黃金百鎰白璧百雙錦綉千純以約諸侯於是說韓宣惠王魏襄王齊宣王楚威王於是六國從合而并力蘇秦為從約長并相六國北報趙行過洛陽車騎輜重擬於王者秦之昆弟妻嫂不敢仰視於是散千金以賜宗族朋友初秦之燕貨百錢為資及得富貴以百金償之編報諸所嘗見德者歸趙趙封為武安君乃投從約書於秦秦兵不敢關函谷關十五年洛陽有邛山漢書酈食其家貧落魄晉灼註曰落魄落落託義同士贊曰晉食貨志馬若飛龍潘岳閑居賦抗音高歌史司馬遷曰銜杯酒接撥勤之歡鮑照詩何時與爾曹又云握君手執杯酒意氣相傾死何有又篇詩後相憶杯酒今無持謝靈運詩開顏披心曾

留別西河劉少府

秋髮已種種所為竟無成
閑傾魯壺酒笑對劉公榮

請我長方朔人間落歲星白衣千萬乘何事去天庭

齊賢曰左傳余髮如此種種余焉能為莊子魯酒薄而邯鄲圍王戎請阮籍時劉公榮在坐阮謂王曰偶有二斗美酒當與君共飲彼公榮者無類焉二人交觴酬酢公榮不得一杯而言笑談論三人無異或問之阮曰勝公榮者不得不得與飲不如公榮者不可不與飲惟公榮可不與飲武帝問大伍公知東方朔是歲星事見前漢書方朔初來上書上律之令持詔公車夏侯湛東方朔贊曰戲萬乘若若友視傳列如章莽揚子曰仰天庭而知天下之居卑也王贊曰莊子其子又以文之論終終身無成陶淵明詩淹留豈無成君亦

不得意高歌羨鴻冥世人若醯雞安可識梅生雖為

刀筆吏緬懷在赤城余亦如流萍隨波樂休明自有

兩少妾雙騎駿馬行東山春酒綠歸隱謝浮名齊賢曰揚子鳴飛冥冥其戈人何慕焉莊子曰孔子曰丘之於道其猶醯雞與音義醯雞甕中之蠅蟻梅福為南昌尉後得仙漢書蕭何為刀筆吏亦城山天台范彦龍詩漢道日休明毛詩為此春酒王贊曰漢書田蚡傳曰墨墨不得意劉向新序宋王平楚王而不見察意氣不得形於顏色潘岳賦抗音高歌木華海賦或乃萍流而蓬轉陳琳檄吳部曲文曰隨波漂流難照詩會得兩少年同是洛陽人

頽陽別元丹丘之淮陽河南

李詩卷十五

七

吾將元夫子異姓為天倫本無軒裳契素以煙霞親

嘗恨迫世網銘意俱未伸松栢雖寒苦羞逐桃李春

悠悠市朝間玉顏日緇磷所共重山岳所得輕埃塵

齊賢曰兄弟天倫也論語歲寒然後知松栢之後凋也鮑明遠詩豔陽桃李節論語磨而不磷涅而不緇洛神賦光潤玉顏王贊曰大戴禮衛將軍文子篇曰獨居思仁公言言義一日三復白圭之玷是南宮之行也夫子信其仁以為異姓之親註謂以其兄之子妻之也穀梁傳兄弟天倫也何休曰兄弟後天之倫次劉浚答劉涪書曰值除有天倫之感揚雄羽獵賦於茲乎鴻生鉅儒俄軒冕雜衣裳唐隱者田游巖答高宗書曰臣所謂泉石膏肓有煙霞痼疾者陸機詩世網嬰我身江韋答軍司馬詩羈繫繫世網進退誰準繩選古詩齊心同所願含意俱未伸荀子曰桃李情繫於一時時至而後殺至於松栢

司馬遷書曰人固有一死死或重於太山或輕於鴻毛用之所趣異也後漢馮衍傳曰德重山岳澤深河海左思詩貴者須自貴視之若埃塵賤者雖自賤重之若千鈞精魄漸無穢衰老相憑因我有錦囊訣

可以持君身當餐黃金藥去為紫陽賓萬事難並立
百年猶崇晨別爾東南去悠悠多悲辛前志庶不易

遠途期所尊已矣歸去來白雲飛天津

齊賢曰陰長生

世之首乃尋見之明主與俱入青城山者黃士為金以之乃立壇以大清神丹經授之長生歸台之用成服半劑不盡即升天周君內傳紫陽真人周義山字季通汝陰人常以平日日出西東救日服氣毛詩曾不崇朝箋云崇終也魏文帝詩曰我東南行陶淵明有歸去來辭士贊曰左傳樂新心之精爽是為意龜郭璞江賦云挺異人乎精氣江淹詩曰隱淪駐精滄漢揚揮傳曰蕪蕪不於漢武帝內傳曰上元夫人命侍女宋辟非出紫錦之囊開綠全之袋以三元流珠經丹景道精經隱見八術經太極六景經乃四部以授三君又曰帝以王母所授五真圖靈光經及上元夫人所授六甲靈飛一十事自撰集為一卷及諸經圖皆承以黃金之凡卦以白玉之函以珊瑚為牀紫錦為囊安着栢梁臺上史封禪書樂大曰臣之師曰黃金可成二死之藥可得仙人可致也謝靈運詩云萬事俱落陶淵明詩曰白雲在天謝眺辭隨王箋曰白雲在天龍門不見去德滋亦思德滋深晉天文志天漢從東方經尾箕之間謂之漢津乃分二道至天津下而合南道乃西南行至七星南而沒

留別廣陵諸公

淮南二作留別邯鄲故人

憶昔作少年結交趙與燕金羈絡駿馬錦帶橫龍泉寸心無疑事所向非徒然晚節覺此踈獵精草大玄

李詩註卷一五

空名東壯士薄俗棄高賢

齊賢曰曹植結客篇曰結客少年

騶馬金絡頭錦帶佩吳鉤雷煥為豐城令掘獄屋得雙劍並刻題曰龍泉二曰太陽揚雄傳曰時雄草大玄有以自守泊如也士贊曰漢鄒陽傳曰至其晚節未路田蚡傳曰及孝景晚節師占曰晚節未時也史點布傳曰大王提空名以卿楚謝靈運詩寸心若不亮又安用空揚名曹植詩各編壯 中廻聖明顧揮翰凌雲煙騎虎

不敢下攀龍忽墮天還家守清真孤潔勵秋蟬鍊丹費火石採藥窮山川卧海不關人租稅遼東田乘興

忽復起掉歌溪中船臨醉謝葛強山公欲倒鞭狂歌自此別垂釣滄浪前

齊賢曰聖明顧乃太白供奉翰林時也歸田賦揮翰墨以奮藻謝眺詩方棄汝

南諾言稅遼東田世說王子猷曰乘興而來葛強山簡愛將事見前楚辭曰滄浪之水清兮可以濯我纓士贊曰顏延年詩陪則颯天顧晉書溫嶠謂陶侃曰今之事勢我無旋踵騎猛虎安可中下哉隋獨孤后當周宣帝崩隋文入焉禁中絕百後使人謂帝曰驪虎之勢必不得下勉之左思詩自非攀龍客何為濩來遊鮑照詩徒被火石苦晉書王羲之既去官與東士人盡山水之遊又與道士許邁共脩服食採藥石又許邁少恬靜不慕仕進徧遊名山採藥於桐廬之恒山餌木斷穀後漢并丹傳自是隱閉不關人事東漢馬融廣成頌

日發棹歌
縱水謳

廣陵贈別

玉瓶沽美酒數里送君還繫馬垂楊下銜杯大道間
天邊看淶水海上見青山興罷各分袂何須別醉顏

齊賢曰酒德頌銜杯漱醪士賦曰曹植詩美酒二十千江淹別賦曰送君南浦傷如之何劉琨詩繫馬長松下發轡之岳頭史自叙曰未嘗銜杯酒接殷勤之歡江淹賦遷客海上謝惠連詩分袂澄湖陰

感時留別從兄徐王延年弟延陵

天籟何參差噫然大塊吹玄元包壹驚紫氣何逶迤

七葉運皇化千齡光本支仙風生指樹大雅歌多斯

諸王若鸞虬肅穆列藩維哲兄錫茅土聖代羅榮茲

九卿領徐方七步繼陳思

齊賢曰並子子慕曰大塊噫氣其夫吹萬不同而使其自已也老子曰天地之間其猶橐籥乎唐至肅宗凡七葉毛詩本支百世神仙傳老子之母適至李樹下而生老子

李詩註卷一五

九

生而能言指李樹曰以此為我姓毛詩大雅又螽斯后妃子孫衆多也註螽斯蝻也草木疏云幽州謂之春箕蝗類也郭璞註方言云江東呼為蚘蚘音將帛反蚘音猛虬龍無角者鸞神鳥五采毛詩板曰价人維藩太師結垣大邦維屏大宗維翰懷德維寧宗子維城史記三王世家青社註張晏曰王者以五色土為太社封四方諸侯各以其方色土與之首以白茅歸以立社漢以奉常光祿衛尉太僕宗正司農少府鴻臚大理為九卿范彥龍詩疑是徐方牧曹植封陳思王七步成詩云煮豆然豆其豆在釜中泣本是同根生相煎何太急王贊曰楚辭次參差兮誰思玄元指老君也按唐史高宗乾封元年丙寅帝封岱嶽駕至亳州朝謁老君御製冊文上尊號曰玄元皇帝聖母為先天太后元宗天寶七載戊子上老君尊號曰聖祖大道玄元皇帝十三載甲午二月癸酉帝朝宴太清宮加上老君尊號曰大聖祖高上大道金闕玄元天皇帝大帝列仙傳老子西遊關令尹喜望見紫氣浮關老子果乘青牛而過關尹內傳關令尹喜周大夫也善於天文登樓四望見東極有紫氣喜曰應有聖人過果見老子中蒙恬傳曰逶迤而北李蕭遠運命論曰逶迤勢利之間註曰逶迤行貌爾雅曰穆穆肅肅敬也張衡東都賦曰肅肅之儀盡穆穆之禮禪立選詩肅穆恩波被書禹貢厥貢惟士五色註曰王者封五色土為社建諸侯則各割其方色土與之使立社肅以伊昔全盛日雄豪黃十首以白茅茅取其潔黃取王者覆四方

動京師冠劍朝鳳闕樓船侍龍池鼓鍾出朱邸金翠
照丹墀君王一顧盼選色獻蛾眉列戟十八年未曾

輒遷移大臣小暗鳴謫竄天南垂長沙不足舞具錦

且成詩齊賢曰漢書建章宮其東鳳闕高二十餘丈樓船是前宮室志唐元宗嘗潛龍于興慶宮及即位與慶池嘗有一小

龍出遊宮外御溝水中奇狀蜿蜒後幸蜀前一夕其龍自池中御素雲均至西南去環列之士率共觀之及上至嘉陵江乘舟將度見一小

龍翼舟而進上謂左右曰此吾與慶池中龍也命以酒沃醑上親自祝之龍乃自水中振鬣而去謝眺詩黃旗映朱邱史記曰諸侯朝天

子於天子之所立宅舍曰邸西京賦青瑣丹墀漢宮典職曰丹漆地故稱丹墀廣絕交論云顧盼增其倍價毛詩螭首蛾眉韓信傳曰項

王暗鳴叱咤千人皆發漢書長沙定王發以其母微無寵故王甲涇貧國景帝後一年諸王來朝有詔更前稱壽歌舞定王但張袖小舉

手左右笑其拙上怪問之曰臣國小地狹不足同旋帝乃以武陵零陵桂陽益焉毛詩姜兮斐兮成是具錦士贊曰晉書劉琨與祖逖俱

以雄豪著名後漢竇融傳融為安豐侯與五郡太守奏事京師官屬賓客皆隨駕乘千餘兩牛羊被野引見就位賞賜恩寵傾動京師枚

乘兎園賦高冠布馬長劍開焉范曄宦者傳論若夫長劍高冠紆朱懷金者布滿宮闈詩云鼓鍾于宮聲聞于外劉琨駭玄根賦戴金翠

珥珠幾列載見前書東西垂註垂是遠外之名漢書表周匝三垂師古曰三垂謂北東南也

佐郡浙江西病

關絕驅馳階軒日苦鮮鳥雀噪簷帷時乘小肩輿出入畏人知北宅聊偃憩歡愉恤惇慶羞言梁苑地烜

赫耀旌旗兄弟八九人吳秦各分離大賢達機兆豈

獨慮安危小子謝麟閣鴈行忝有隨令弟字延陵鳳

毛出天姿清英神仙骨芬馥齊賢曰佐郡長史別乘駕也晉書玉獻之乘

平有輿入顧辟疆園胡威曰臣父清畏人知晉書阮咸與籍居道南諸阮居道北洪範曰無虐憚獨而畏高明左傳發不恤其緯而憂宗

周梁孝王築東苑得賜天子旌旗出從千乘萬騎東西馳獵擬於天子事見前漢宮室疏天祿閣麒麟閣蕭何造以藏秘書賢才曲禮曰

五年以長則有隨之謝靈運子鳳凰子超宗有文辭帝差賞嘗謂謝莊曰超宗殊有鳳毛離騷云豈獨紉夫蕙蔭士贊曰謝靈運詩空庭

來鳥雀莊子有乎出有乎入出入出而無見其形謝靈運擬魏太子日中集序曰建安末余時在鄴宮朝遊夕譙究歡愉之極爾雅赫兮五

兮威儀也註貌光宣晉書傳羅正生從般仲堪路經家門弟道生謂日作如此分離何可不執手易繫辭君子安不忘危左傳襄公十一

年書曰居安思危思則有備有備則無患敢以此規記王制曰父之齒隨行兄之齒隨行西都賦鮮顛氣之清英

夢得春

草句將非惠連誰深心紫河車與我特相宜金膏猶

罔象玉液尚磷緇伏枕寄賓館宛同清漳湄藥物多見饋珍羞亦兼之誰道溟渤深猶言淺恩慈鳴蟬遊

子意從織念歸期

齊賢曰謝靈運夢惠連得池塘生春草之句

河伯示汝黃金之膏謝靈運詩金膏成明光莊子黃帝遺其玄珠乃使象罔得之論語磨而不磷涅而不緇左傳文公館如公寢賓至如歸清漳見前鮑照詩築池類溟渤士贊曰顏延年詩深心託稟素紫河車見二卷江淹詩方士鍊玉液漢書高祖曰遊子悲故鄉陸機詩

子情

驕陽何火赫海水爍龍龜百川盡凋枯舟楫閣

中達策馬搖涼月通宵出郊圻泣別目眷眷傷心步

逶逶願言保明德王室佇清夷摻袂何所道接毫投

此辭

齊賢曰爾雅九達謂之達畢命申畫郊圻謝惠連詩眷眷浮

執子之袂兮註摻擊袂袂也士贊曰鮑照集吞吐百川左思詩咄嗟復凋枯古詩驅車策駑馬李陵詩努力崇明德仲長統昌言曰警蹕清夷傳咸詩王度曰清夷南史王僧虔傳曰汝聞老子卷頭五尺許未知輔嗣何所道平叔何所說而便於塵尾自呼談士此最險享

別儲邕之剡中

借問剡中道東南指越鄉舟從廣陵去水人會稽長
竹色溪下綠荷花鏡裏香辭君向天姥拂石卧秋霜

齊賢曰唐剡縣隸越州會稽郡揚州廣陵郡王羲之曰每行山陰道上如鏡中游天姥山隸剡州麗水縣謝靈運詩噴投剡中宿明登天姥

留別金陵諸公

金陵

海水昔飛動三龍紛戰爭鍾山危波瀾傾側駭奔鯨
黃旗一掃蕩割壤開吳京六代更霸王遺跡見都城

齊賢曰鍾山見前謝玄暉詩奔鯨自此隰江表得乃玄詠遊國人曰黃旗紫蓋見於東南終有天下者荆揚之君乎吳京金陵也士贊曰三龍魏蜀吳也班固答賓戲曰於是七雄虓闕分裂諸夏龍戰而虎爭謝靈運詩宛郢皆掃蕩晉書唐彬對文帝曰觀古人之遺跡向秀思舊賦曰踐

騰顏謝名五月金陵西祖余白下亭欲尋廬峯頂先
遶漢水行香燼紫煙滅瀑布落大清若攀星辰去揮

手緬含情

王贊曰文中子曰江東中國之舊也衣冠禮樂之所就

漢鄒陽傳鄒魯守以經學顏謝顏延之謝靈運惠連玄暉宣遠詩皆入選毛詩仲山甫出祖鄭玄曰祖者將行祀軼之祭也張景陽詩羣

公但二疎圖經白下在上元縣西北廬峯即廬山也香爐峯在城北
山南山北皆見其形頂聳常出雲氣故名劉琨詩揮手長相謝劉女
休詩揮手
從此辭

口號

食出野田美酒臨遠水傾東流若未盡應見別離情

齊賢曰呂氏春秋曰水泉東流日夜不休王贊曰鮑照詩風急野田空楚辭悲莫悲兮生別離又若在遠行登山臨水送將歸

金陵酒肆留別

風吹白門柳花滿店香吳姬壓酒使客嘗金陵子弟

來相送欲行不行各盡觴請君試問東流水別意與

之誰短長齊賢曰白下亭在今建康東門外王贊曰楚詞君不行其皮毛所以去之更遠如風吹柳花滿店香若人復能為此句亦未

是太白至于吳姬壓酒勸客嘗壓酒字他人亦難及金陵子弟來相送欲行不行各盡觴益不同請君試問東流水別意與之誰短長

此乃真太白妙處當潛心焉故學者先以識為主禪家所謂正法眼直須具此眼目方可入道

金陵白下亭留別

驛亭三楊樹正當白下門吳煙暝長條漢水齧古根

向來送行處迴首阻笑天言別後若見之為余一攀翻

齊賢曰唐武德九年更金陵縣曰白下縣白下吳之故都易曰笑言啞啞謝靈運詩桂枝徒攀翻士贊曰鄭玄毛詩箋曰迴首曰顧

別東林寺僧

別東林寺僧

東林送客處月出白猿啼笑別廬山遠何煩過虎溪

齊賢曰廬山在江洲南三十里二林寺又在山之南五里許小嶺可到兩寺相隣晉道求道遠所居規制廣袤若一大縣水石深怪古跡無窮東林三門內有小渠名曰虎溪遠師送客未嘗過溪西林即求法師所居規制稍不及東林

竄夜郎於烏江留別宗十六璟

君家全盛日台鼎何陸離斬鼉翼媧皇鍊石補天維

一迴日月顧三入鳳凰池失勢青門傍種瓜復幾時

猶會衆賓客三千光路岐皇恩未盡憤適松栢含榮滋

齊賢曰晉志在天為二台在人為三公漢書三公鼎足承君離盤長
余佩之陸離李善曰陸離參差貌許慎云美好貌惟南子曰女媧
鍊五色石以補蒼天漢書蕭何貴曰依日月之未光者勛為中書令
罷云奪我鳳凰池青門乃長安霸城門漢書邵平故秦東陵侯秦破
為布衣貧種瓜於長安城東瓜美故世俗謂之東陵瓜從邵平以為
名也史記春申君客三千餘人王賈曰詩箋云迴首曰顧陸機詩人
生當幾時論語歲寒然我非東林人令姊忝齊眉浪跡未
後知松柏之後凋也

出世空名動京師適遭雲羅解翻謫夜郎悲拙妻莫
邪劍及比二龍隨慙君湍波苦千里遠從之白帝曉
猿斷黃牛過客遲遙瞻明月峽西去益相思齊賢曰太

裴長史書云楚有七澤遂來觀焉而許相公家見招妻以孫女便德
斷于此至後二霜則題中所謂別宗十六者疑誤也晉太尉郗鑒使
門生求女婿於王導令就東廂看觀子弟門生歸謂鑒曰王氏諸少
並佳然聞信至咸自持惟一人在東床袒腹食獨若不聞鑒曰此
正佳婿訪之乃羲之遂以女妻之後漢梁鴻娶孟光字德曜每具食
不敢於鴻前仰視舉按齊眉揚子谷口鄭子真耕於巖石之下名震
京師夜郎縣隸涪州干將莫耶張華二龍劍事見二卷白帝城隸夔
州黃牛峽隸峽州白崖間有石如人形如牛形皆黃色余上黃牛廟
闕其碑或云土星見形也明月峽隸渝州至夔西陵峽四千里上黃
曰江淹詩曠哉宇宙惠雲羅更四陳又浪跡無妍蚩然後君子道前

李詩註卷十五

漢五行志下曰空名得進
謝靈運詩曰安用空名揚

留別龔處士

龔子棲閑地都無人世喧柳深陶令宅竹暗辟疆園
我去黃牛峽遙愁白帝猿贈君卷菴草心斷竟何言

齊賢曰陶潛詩結廬在人境而無車馬喧陶潛宅近有五柳嘗
為彭澤令吳郡顧辟疆有名園辟疆云蒼泉流以盈室方判獨離而
不服施奈耳詩人謂之卷耳爾雅
謂之卷耳上贊曰論語天何言哉

贈別鄭判官

竄逐勿復哀慙君問寒灰浮雲本無意吹落章華臺
遠別淚空盡長愁心已摧二年吟澤畔顛顛幾時迴

齊賢曰左傳楚子成章華之臺臺在今江陵楚詞屈原原既放游於汀
潭行吟澤畔顏色顛顛形容枯槁士贊曰魏志劉廙疏謝曰臣非
頌宗禍應覆族遺乾坤之靈起煙於寒灰之上生華於已枯之木物
不答施於天地子不謝生於父母何以死難效用筆陳魏文帝詩西
北有浮雲適與飄風會吹我東南行南行至吳會論語子曰富貴
於我如浮雲古歌曰大憂摧人肺斯心極陽建詩痛酷摧心肝

黃鶴樓送孟浩然之廣陵

故人西辭黃鶴樓煙花三月下揚州孤帆遠影碧空

盡唯見長江天際流

齊賢曰黃鶴樓以黃鶴山而名在鄂州謝朓詩曰天際識歸舟

將遊衡岳過漢陽雙松亭留別族弟浮屠談

皓

秦欺趙氏璧却入邯鄲宮本是楚家玉還來荆山中

丹彩瀉滄溟清輝凌白虹青蠅一相點流落此時同

齊賢曰蘭相如全璧歸趙事見二卷光武紀邯鄲縣名趙國蔡邕琴操曰琴昭王得和氏璧欲以貢於趙王於是遣大夫定明光奉璧

之趙盧子諒詩趙氏有和璧天下無不傳秦人來求市取價徒空言

阮籍詩明月耀清暉顏延年詩清暉在天音題詩云營營青蠅止于

能變亂也卓絕道門秀談玄乃支公延蘿結幽居翦竹繞

芳叢涼花拂戶牖天籟鳴虛空憶我初來時蒲萄開

景風今茲大火落秋葉黃梧桐水色夢沉湘長沙去

何窮寄書訪衡嶠但與南飛鴻

齊賢曰高遠沙門傳支遁居會稽晉哀帝欽其風味

遺中使至東迎之道遂辭立高步天邑道字道林世說曰支道林

殷淵源俱在相王許簡文相王謂一人可試一交言支初作改轍後

之數四交不覺入其玄中相王並肩笑曰此自是其勝焉安可爭鋒

天籟見前風十記夏至景風至大火落七月也衡嶠衡嶽也王質曰

范彦龍詩寄書雲

留別賈舍人至二首

大梁白雲起飄飄來南洲徘徊蒼梧野十見羅浮秋

鰲挾山海傾四溟揚洪流意欲託孤鴈從之摩天遊

鳳苦道路難翱翔還崑丘不肯銜我去哀鳴慙不留

齊賢曰歸藏啓塗曰有白雲起自蒼梧入于大梁禮記舜葬於蒼梧

之野張衡賦登蓬萊而容與兮鰲雖抃而不瀟事初出列子見前四

頃四海也王仲宣詩鳴鶴摩天游古鳥生八九子歌曰黃鶴摩天極

高飛羅浮山及崑丘事見前王質曰宋王明鳳凰擊九千

里絕雲霓負蒼天翱翔乎

遠客謝主人明珠難暗投拂拭

香真之上詩云哀鳴蒼梧

倚天劔西登岳陽樓長嘯萬里風掃清野中夏誰念
劉越石化為繞指柔

齊賢曰鄒陽曰明月之珠以闇投人於道莫莫不投劉相時大言賦長劔賦介倚天之外岳陽樓在岳陽城上正對君山楚辭臨詠水而長嘯左思詩長嘯激清風劉越石詩何意百鍊剛化為繞指柔王質曰楚辭去御離家方來遠客成公緩嘯賦乃慷慨而長嘯集長風方萬里

其二

秋風吹胡霜凋此簷下芳折芳怨歲晚離別悽以傷
謬攀青瑣賢延我於此堂君為長沙客我獨之夜郎
勸此一杯酒豈惟道路長割珠兩分貽寸心久不忘
何必兒女仁相看淚成行

渡荆門送別

李詩註卷十五

十五

渡遠荆門外來從楚國遊山隨平野盡江入大荒流
月下飛天鏡雲生結海樓仍連故鄉水萬里送行舟

齊賢曰荆門軍有山名荆門蜀之諸山至此不復見矣樂府破鏡飛上大晉志海旁蜃氣象樓臺諸葛亮送吳使浣花溪北曰萬里之行始於此今成都有萬里橋下齊賢曰左思吳都賦出乎大荒之中行乎東極之外史天官書海旁蜃氣象樓臺廣野氣成宮闕然虛無氣各象其山川人民所聚積

聞李太尉大舉秦兵百萬出征東南儒夫請
纓冀申一割之用半道病還留別金陵崔侍

御十九韻 復至金陵

秦出天下兵蹴踏燕趙傾黃河飲馬竭赤羽連天明
太尉仗旄鉞雲騎繞彭城二軍授號令千里肅雷霆
函谷絕飛鳥武關擁連營意在斬巨鼉何論鱸長鯨

齊賢曰關中皆二秦之地家語赤羽若日白羽若月漢百官公卿表太尉秦官應邵曰自上安下曰尉武官悉以為稱尚書中候云舜為

太尉牧誓云王左杖黃鉞右秉白旄唐徐州彭城郡治彭城縣唐書
李光弼加大尉中書令兼待中河南副元帥知河南淮南東西山南東
荆南五道節度行營事鎮泗州帝賦詩以錢遂疾驅入徐州朝義走
寶應元年進封臨淮郡王函谷在唐陝州靈寶縣本姚林塞羽獵賦
鳥不及飛獸不得過武關在商州商洛縣東漢書沛公襲攻武關破
之列子帝使巨鯨十五舉首而戴之五山始峙而不動王賈曰趙景
貞與孫茂齊書曰歐崑崙使西倒蹋大山令東覆後漢書雋傳論曰
飲馬北得之曲國語越句踐獲於會稽之上號令二軍漢書李廣傳
曰將軍者國之爪牙也怒形則千里悚威震則萬里伏詩云如雷如
霆徐方震驚管子曰嚴如風雨動如雷霆三國志劉備連營七百里

李詩卷之五

一六

恨無左車略多愧魯連生拂劍照嚴霜彫戈鬢胡纓
願雪會稽恥將期報恩榮半道謝病還無因東南征
亞夫未見見顧劇孟阻先行天奪壯士心長吁別吳京
齊賢曰漢書趙王康餘聞漢日襲之聚兵井陘口李左車說餘絕其糧道深溝高壘勿與戰餘不聽韓信引兵出井陘口斬成安君泚水上高趙王歇購生得李左車者千金頃之縛至信解其縛而師事之魯仲連事見一卷莊詭劍庶人之劍蓬頭突鬢垂冠冠曼胡之纓受音莫于切史記越王句踐為吳所敗棲於會稽山置膽於坐卧即仰膽飲食亦嘗膽曰汝忘會稽之恥耶左傳天奪其魄吳京建康也王賈曰周亞夫得劇孟事見二卷金陵遇太守倒屣相逢迎羣公

咸祖餞四座羅朝英初發臨滄觀醉樓征虜亭舊國
見秋月長江流寒聲帝車信廻轉河漢復縱橫孤鳳
向西海飛鴻辭北溟因之出家廓揮手謝公卿
甫規解官歸安定王符往謁規倒屣出迎風俗通曰共工氏子脩好遠遊故祀為祖神祖祖也張景陽詩羣公祖二疎輿地志林凌新亭隴有遠望樓又名勞勞樓後改名臨滄觀丹陽記曰征虜亭太安中征虜將軍謝安立因名晉志斗為帶車取運動之義天漢見前唐志北庭大都護府本庭州有西海縣莊子北溟有魚司馬相如傳鴻臚已翔乎寥廓之宇謝靈運詩揮手告鄉曲王賈曰蜀費律傳丞相亮南征還羣僚於數十里逢迎顏延年詩榮會在逢迎古詩河漢清且淺觀文帝詩天漢廻西流二五正縱橫揚子鴻飛真真

別韋少府

西出滄龍門南登白鹿原欲尋商山皓猶戀漢皇恩
水國遠行邁仙經深討論洗心向秋月清耳敬亭猿
築室在人境閉關無
世直多君枉高駕贈我以微言交乃意氣合道因風

齊賢曰商山四皓見前易學辭聖人以洗心出贊曰願延年詩水國周地險

雅存別離有相思瑤瑟與金樽

齊賢曰陶潛詩結廬在人境而無車馬喧師古曰多

猶重也徐庶謂先主曰此人可就見不可屈致將軍自甘駕見之家語子路將行孔子曰贈汝以言乎毛詩有國風有小雅曹植樂府曰金樽玉杯不能使薄酒更厚世說衛伯玉曰微言將絕今乃復聞士賢曰列子曰公問孔子曰人何以微言乎孔子不應白公曰人故不可言也論語宗賢識曰子夏六十四人共撰仲尼微言以當素王劉歆移書議太常博士曰及夫子沒而微言絕師古曰精微要妙之言曹攄詩車漢書藝文志曰仲尼沒而微言絕師古曰精微要妙之言曹攄詩自我別旬朔微言絕乎耳張衡詩美人贈我金琅玕史佚生為意氣勿咽司馬遷答任少卿書意氣鬱鬱之顯之昭明太子文選序曰風雅之道察然可觀楚詞悲莫悲兮生別離古詩上言長相思謝靈運詩清醴滿金樽顏延年詩劉伶善閉關

南陵別兒童入京

白酒新熟山中歸黃雞啄黍秋正肥呼童烹雞酌白酒兒女嬉笑牽人衣高歌取醉欲自慰起舞落日爭光輝游說萬乘苦不早著鞭跨馬涉遠道會稽愚婦輕買臣余亦辭家西入秦仰天大笑出門去我輩豈

李詩卷十五

十七

是蓬蒿人

齊賢曰詩黃鳥無啄我黍蘇秦贊云秦兄弟三人皆游說諸侯以顯名漢刑法志天子畿方千里提封一日萬井定出賦六十四萬井戎馬四萬匹兵車萬乘於緡萬乘之主晉書劉琨曰常恐祖生先吾著鞭朱買臣妻事見前拒子新論曰人聞言長安樂者出門向西而笑三輔決錄張仲蔚隱身不仕所居蓬蒿

沒人十贊曰陶潛詩歸去來山中山中酒應熟潘岳閑居賦頌足起舞抗音高歌人生行樂孰知其他史屈原傳雖與日月爭光可也古詩立身苦不早蜀志楊洪門下書佐何祗有才策功幹辛郡吏數年為廣漢太守時洪尚在蜀郡每朝會祗次洪坐洪謂祗曰君馬何駛祗曰故吏馬不敢駛但明府未著鞭爾選詩所思在遠道列子晉文公出會欲伐衛公

別山僧

涇縣作

何處名僧到水西乘舟弄月宿涇溪平明別我上山去手携金策踏雲梯騰身轉覺三天近舉足迴看萬嶺低謹浪肯居支遁下風流還與遠公齊此度別離何日見相思一夜曠猿啼

齊賢曰涇溪隸涇州留侯傳平明而往天台賦振金策之鈴鈴謝靈運詩共登青雲梯毛詩謹浪笑微支遁字道林于法開始與爭名後情漸歸支意甚不平遂遁跡剡下遣弟子出都于時支公正

講小品開戒弟子道林講比汝至當在某品中因示語之難數十卷
弟子如言詣支公正值講因述開意往返多時林公遂屈厲聲曰君
何足復受人寄載來遠法師居廬山東林寺士贊曰道書自初一氣
而分三二氣是為三天一氣大羅天二氣清微天禹餘天太赤天即玉
清上清人清之三境也王儉撰諸神碑文曰
風流籍甚古詩上言長相思下言又離別

贈別王山人歸布山

王子析道論微言破秋毫還歸布山隱興入天雲高
爾去安可遙瑶草恐衰歇我心亦懷歸屢夢松上衣
傲然遂獨往長嘯開巖扉林壑久已蕪石道生薔薇
願言弄笙鶴歲晚來相依齊賢曰漢食貨志東郭成陽孔佳
海經姑瑤之山帝女死焉化為瑤草服之者媚於人江淹詩瑤草正
翕翕毛詩豈不懷歸楚詞臨深水而長嘯列仙傳王子喬好吹笙後
乘白鶴謝時人而去士贊曰南史隱逸論曰獨往之人巖壑閑遠水
石清華注南王莊子要略曰江海之士山谷之人輕天下細萬物而
獨往謝靈運詩林壑歛
顯色左傳輔車相依

江夏別宋之悺

六十八

楚水清若空遙將碧海通人分千里外興在一杯中
谷鳥吟晴日江猿嘯晚風平生不下淚於此泣無窮

齊賢曰陸羽曰楚水第一晉水最下十洲記碧海在東海中十五贊曰
謝莊月賦隔千里兮共明月阮籍詩平生少年時沈約詩真由意阮

分類補註李太白詩卷之十五

分類補註李太白詩卷之十六

送

送南陽送客

斗酒勿為薄寸心貴不忘坐惜故人去偏令遊子傷

離顏怨芳草春思結垂楊揮手再三別臨歧空斷腸

齊賢曰晉陸納出守吳興之姑熟餅桓温曰方守遠郡欲與公一醉以展下情温欣然納之及受禮唯酒一斗鹿肉一斗坐客愕然納曰明公近云飲酒一升今有一斗以備杯酌餘温笑其率更敕中厨談精饌醴飲謝靈運詩寸心若不亮列子文摯謂叔龍曰吾見子之心矣方寸之地虛矣李少卿詩遊子暮何之劉越石歌曰揮手長相謝士賢曰陶潛詩斗酒聚比鄰沈休文詩所願從之遊寸心於此足論語父要不忘平生之言謝朓詩坐惜紅粧變曹植詩子好忘草豈忘爾貽

張翰 送張舍人之江東

張翰江東去正值秋風時天清一鴈遠海闊孤帆遙

白日行欲暮滄波杳難期吳洲如見月千里幸相思

齊賢曰張翰吳人齊王問辟為司馬東曹掾問執權因見秋風起乃思吳中菰米葦葦美鱸魚膾曰人生貴得適志何能羈宦數千里以愛名爵遂命駕歸古樂府曰白草薄西山曹子建詩白日忽西若謝莊月賦隔千里兮共明月吐噴曰楊雄羽獵賦曰天清日晏晉書曰安服結康高致每相思轉千里命駕

送王屋山人魏萬還王屋

土屋山人魏萬云自嵩宋沿吳相送數千

里不遇乘興遊台越經永嘉觀謝公石門

後於廣陵相見美而愛文好古浪跡方外

困迷其行而贈是詩 一作見王屋山人魏萬云自嵩宋沿吳相送數千里不遇乘興遊台越經永嘉觀謝公石門後於廣陵相見美而愛文好古浪跡方外

二千里相訪不遇因下江東尋諸名山往復百越後於廣陵一而遂乘興共過金陵此公愛奇好合獨性物表因遂其行李遂自此

仙人東方生浩蕩弄雲海沛然乘天遊獨往失所在魏侯繼大文本家聊攝城卷寄入元化跡與古賢并

齊賢曰東方朔暫之紫泥之海見二卷莊子乘大車之正而御六氣之辭以遊無窮左傳魏大名出又曰聊攝以東姑九以西杜預曰聊攝齊西界平原聊縣東此有攝城淮南子至道無為盈縮卷舒與天變化王贊曰楚詞心飛揚兮浩蕩孟子沛然莫之能禦也莊子天遊室無空虛則歸姑勃

田巴生心齊魯連子西涉清洛源頗驚人出喧采秀

卧王屋因窺洞天門竭來遊嵩峯羽客何雙朝携

月光子暮宿玉女惚鬼谷上窈窕龍潭下奔淥齊賢曰

書曰年十一學書二冬文史足用盪田賦揮翰墨以振藻易曰明哲曰虞木一作折唐王屋縣隸河南府有王屋山嵩山唐隸河南登封縣鬼谷先生晉平公時人隱居鬼谷因以為號先生姓王名割蘇秦張儀從之學學成別先生與一隻復化為犬以引二子即日到秦徐廣曰穎川陽城有鬼谷嵩山嵩陽觀西有龍秋王贊曰陸贄詩揮手如振素魯運子曰齊之辯者曰田巴辯於狙丘而議於稷下毀五帝罪三王一日而報千人有徐勣劾子曰魯連謂劫曰臣願當田子使不取復說於是往見而謂曰今楚軍南趙伐高唐亡在朝夕今臣將罷商陽之師嚴高唐之兵所貴談論此之謂也如先生之立有似泉音人皆惡之田巴於是杜口易業終身不談楚詞采三秀兮山間張載詩竭來成不真曹子建詩窈窕山道深濃音東浮汴河水

訪我三千里逸興滿吳雲飄飄浙江汜揮手杭越聞

章亭望潮還濤卷海門石雲橫天際山白雪走素車

雷奔駭心顏齊賢曰陸士衡詩願假歸鴻翼翻飛浙江汜杭今

枚乘七發曰將以八月之望觀濤乎廣陵之曲江浩浩濤濤如素車

之有二三山王贊曰曹植詩遙聞會稽美且度耶溪水萬壑

與千巖崢嶸鏡湖裏秀色不可名清輝滿江城人遊

月邊去舟在空中行此中久延佇入剡尋王許笑讀

曹娥碑沈吟黃絹語天台連四明口入向國清五峯

轉月色百里行松聲靈溪谷沿越華頂殊超忽石梁

橫青天側足履半月齊賢曰唐越州會稽郡中太史公自序

雲溪出說鍾長康從會稽選人間山川之美須云十巖巖秀萬壑爭

流鏡湖出傳軒轅氏濤鏡湖邊因得名古樂府秀色共可餐謝玄暉王羲之詩邁移入臨安西山改名玄義之造之相與為世外交曹娥

上虞人父財迎神沂壽而上為水所淹不得尸城年十四乃投瓜于江祝父有此瓜當沉旬有七日瓜沈娥遂投江而死縣令度尚為改葬命其弟子邯鄲子禮為作碑蔡邕過吳讀碑文以為詩人之作因刻石傍作八字云黃綃幼婦外孫蔡邕曰曹操與楊脩共讀之脩先悟操行三十里方悟為絕妙好辭四字天台賦序登陸則四明天台賦云過靈溪而一躍僊惠虛姓陳居天台國清寺與同侶遊山越過石橋水峻谷滑懸流萬仞下不見底衆皆股慄不行惠虛獨超然而過徑上石壁外微有小徑遂見宮闕連亘十里許其門題曰會真府左曰金庭宮右曰桐栢宮皆金樓玉樹高百餘尺孔靈符會稽記曰赤城山有石橋懸度王寶曰曹孟德歌云沈吟至今王簡栖頭陀寺碑東望平臯千里超忽眷然思永嘉不憚海路賒掛席歷海嶠廻瞻

赤城霞赤城漸微沒孤嶼前曉兀水續萬古流亭空

千霜月齊賢曰唐温州永嘉郡謝靈運出為永嘉守郡有各山水海橋初發強中作又有遊赤石進帆海詩曰揚帆采石葦掛席拾海月遊天台賦赤城霞起而建標會稽記曰赤城山名色皆赤狀似雲霞

縉雲川谷難石門最可觀瀑布掛北斗莫窮此水

端噴壁洒素雪空濛生晝寒却思惡溪去寧懼惡溪

惡咆哮七十灘水石相噴薄路創李北海巖開謝康

樂松風和猿聲搜索連洞壑徑出梅花橋雙溪納歸

潮落帆金華岸赤松若可招齊賢曰唐夏州縉雲縣謝靈運名山志曰石門澗六變石門澗水上入兩山口兩邊石壁右邊石巖下臨澗水南史褚伯玉錢塘人往剡居瀑布山麗水縣東十里有惡溪多水怪大白自註李邕昔為括州開此嶺路又曰惡溪有謝康樂題詩處婺州金華縣有金華山金華有赤松澗人見赤松子安期先生於

沈約八詠樓城西孤岩巽四荒外曠望群

川會雲卷天地開波連浙西大亂流新安口北指嚴

光瀨釣臺碧雲中邈與蒼嶺對稍稍來吳都徘徊上

孤蘇煙綿橫九疑漾蕩見五湖日極心更遠悲歌但

長吁齊賢曰南史沈約字休文吳郡人為東陽太守郡有沈約八詠樓又有新安江水至清淺詩嚴光瀨隸嚴州曰七里瀨憑

江有石山其上平號釣臺蘇州吳郡治吳縣外紀云闔閭起臺於孤

嶼山去國二十五里者夏遊焉五湖即震澤見前王寶曰選景福殿賦曰岩巖岑立漢文帝紀四荒之外師古曰戎狄荒服故曰四荒言

其荒忽去來無常也離騷將往觀乎四荒選江賦鐵如地裂豁天開

海賦波則洪連踳踏又波如連山古樂府公無渡河序曰白首征夫

披髮携壺亂流而渡江淹詩日暮碧雲合蒼嶺在台州仙居縣西北

五十里高五千丈漢禮樂志稍增輯漢高后傳徘徊迴繞楚江

濱揮策揚子津身著日本裘裘則朝卿所贈日本布為之昂藏出風

塵五月造我語念非俗儼人相逢樂無限水石日在

眼徒千五諸侯不致百金產吾友揚子雲絃歌播清

芬雖為江寧宰好與山公羣乘興但一行且知我愛

君君來幾何時山臺應有期東牕綠玉樹定長三五

枝至今天壇人當笑爾歸遲我苦惜遠別茫然使心

悲黃河若不斷白首長相思齊賢曰揚子津諫揚子縣唐書日本古倭奴也去京師萬四千

里直新羅東南在海中真山而東西五月行南北三月行國無城郭聯未為柵落左右小島五十八餘皆自各國而臣附之王姓阿每氏咸亨

元年遣使賀平高麗後稍二百華音惡倭名更號日本使者自言因近

日所出以為名長安元年追朝臣真人栗田真方物朝臣真人猶唐

尚書也好學能屬文進止有容請從諸儒授經品四門助教趙玄默

即鴻臚寺為師獻大幅布為贊漢文帝曰百金中人十家之產論語

子之武城聞絃歌之聲上元縣本江寧縣上元二年更名天壇在王

屋山王贊曰北史高昂字叔曹勿時便有壯氣以其昂藏教曹故以

名字之史司馬相如大人賦曰乞以俗儼註儼不前也顏釋曰俗儼固帶貌俗音戚謝靈運詩想見山阿人薛羅若在眼陸機文賦謂先

人之清芬晉列女傳贊曰清芬麝心晉王子猷訪戴逵曰乘興而來

揚雄甘泉賦翠玉樹之青蔥莊子子真在然自失晉衛洗馬曰見此

茫然不覺百端交集曹植詩出處今心悲備岳詩白首同所歸蘇武詩生當復來歸死當長相思

李詩註卷六

送當塗趙少府赴長蘆

我來揚都市送客回輕舸因誇楚太子便覩廣陵濤

仙尉趙家玉英風凌四豪維舟至長蘆目送煙雲高

搖扇對酒樓持袂把解蟹螯前途儻相思登嶽一長謠

齊賢曰揚都揚州都高切小船也詩河廣曰誰謂河廣曾不容刀註作初故乘七發楚太子有疾而吳客往問之曰將以八月之望去人傳以為得仙石崇贊曰超四豪而取富此山移文張英風於海甸阮籍詩英風截雲霓真州六合縣有長蘆寺達慶遺跡出說畢阜云一手持蟹螯一手持酒杯拍浮酒船中便足了一生王贊曰漢書游俠傳信陵平原孟嘗春申游以侯者以四豪為稱首又晉石崇王濟羊琇何曾時謂四豪漢周亞之傳上目送之西都賦煙雲相連顏延年詩遲遲前途盡劉琨詩引領長謠

送友人尋越中山水

聞道稽山去偏宜謝客才千巖泉灑落萬壑樹繁迴
東海橫秦望西陵繞越臺湖清雙鏡曉濤白雪山來
八月放乘筆二吳張翰杯此中多逸興早晚向天台

齊賢曰越絕書禹治水到越上茅山大會更名茅山曰會稽南史謝靈運出為永嘉太守郡有各山水肆意遊思備歷諸縣動經旬朔所至輒為詩詠以發其意世說顧愷之從會稽還人問山川之美顧云千巖競秀萬壑爭流會稽素望山在州城正南史記始皇登之望南海西陵西嶺江亭相對乃錢塘會稽律度更移乘七發口將以八月之望觀濤平廣陵之曲江晉張翰字季鷹吳郡人任心自適不束當出或謂之曰卿乃可縱適一時獨不為身後名邪答曰使我有身後名不如即時一飲便天台山在台州王贊曰越臺即越王臺舊圖照詩千巖盛阻積萬壑勢險巖

送族弟凝之滁求婚崔氏

與爾情不淺忘筌已得魚玉臺掛寶鏡持此意何如
坦腹東牀下由來志氣踈遙知向前路擲果定盈車

齊賢曰莊子筌者所以在魚也得魚而忘筌何故祖詩忘筌在得魚喻莊溫情喪妻從姑劉氏家有女甚貌姑屬婿竟此喻曰忘筌得但以此喻此可如姑曰何敢北放數日下玉鏡臺一表姑去言亦得就東麻編觀子弟門生歸謂整曰士氏諸少並佳然聞信至咸自持准一人在東牀坦腹獨若不聞整曰此真佳婿邪試之乃羨之也以女妻之備安仁至美每行老嫗以果擲之滿車張孟陽至魏每行小兒以瓦石投之亦滿車王贊曰論語惟我與爾有是夫世說庾亮曰老子於此與後下幾謝靈運詩節性感不修樂府書中竟何如易其所由來漸矣左思詩由來自古昔禮記清明在躬志氣如神又志氣塞乎天地熱康書志氣所託不可奪也

送友人遊梅湖

送君遊梅湖應見梅花發有使寄我來無令紅芳歇
暫行新林浦定醉金陵月莫惜一鴈書音塵坐胡越

齊賢曰越使諸發報一枝梅遺果主韓君謂左右曰惡有以一枝梅以饋列國之君者乎請為一一子惠之謝公暉有之宣州出新林浦向板橋詩漢書帝思辨武使謂單于天子制上林中得鴈足繫帛書泥彥龍詩寄書要問鴈為我西北飛王贊曰陸凱與范曄相善自江南寄梅花一枝寄長安與曄曄詩曰折梅逢驛使寄與龍頭人江南無所有聊贈一枝春陸機思歸賦曰絕音塵於江介託影響於洛陽謝

莊月詠美人邁芳音壁闕隰千里共明月漢書李布傳此不比走胡南走我耳鄒陽傳曰意合則胡越為兄弟

送崔十二遊天竺寺

還聞天竺寺夢想懷東越每年海樹霜桂子落秋月送君遊此地已屬流芳歇待我來歲行相隨浮溟渤

齊賢曰錢塘諸寺天竺最盛山有一門南北相望而上下兩天竺寺輿地志云晉咸和元年西天僧惠理歎曰此是中天竺國王寶曰左思詩夢想騁良圖古詩夢想見容輝潘岳詩流芳未及歇江淹賦送君南浦傷如之何古詩何能持來茲高誘曰茲年也

送揚山人歸天台

客有思天台東行路超忽濤落浙江秋沙明浦陽月今遊方厭楚昨夢先歸越且盡秉燭歡無辭凌晨發我家小阮賢剖竹赤城邊詩人多見重官燭未曾然興引登山履情催泛海船石橋如可度攜手弄雲煙

齊賢曰浙江見前鄞縣長善水經註云浦陽江水導源烏陽縣而經上虞縣古詩何不秉燭遊小阮乃籍兄熙子咸也謝靈運詩剖竹守滄

李詩註卷十六

六

海漢書初與郡守為竹使符見前天台山賦赤城霞舉而建標謝承漢書巴祗為揚州刺史在官不迎妻子夜與士對坐暗中不然官燭謝靈運尋山陟嶺必從幽峻巖嶂數十里莫不滿盡登躡嘗着才履上山則去其前齒下山則去其後齒有遊赤石准助海詩謝安與孫興公諸人侃海嶽風規浪湧安吟嘯自若顧愷之啓蒙記曰天台山石橋路徑不盈尺長數十步至滑下臨絕真毛詩携手同行子寶曰上簡猶頭陀寺碑云東望平阜千里超忽曹植詩清晨發皇邑湯子曰詩人之賦麗以別通曆曰詩人所詠其間甚美韋元成傳曰詩人美而頌之

送溫處士歸黃山白鶴峰舊居

黃山四千仞三十二蓮峯丹崖夾石柱萬苔金芙蓉伊昔昇絕頂下窺天日松仙人鍊玉處羽化留餘蹤

齊賢曰黃山諱宣州圖經云黃帝与浮丘仙人鍊丹於此爾雅尚美集其華齒齒其實篋具根藕天日山在臨安西五十里高三千九百丈周廻八百里乃神仙所居有二十六洞太平寰宇記云山有兩湖若左右日故名天日(士贊曰)圖經黃山舊名黟山在歙縣西一百二十八里高千一百八十八仞郡志其山有摩訶曼日之高首戴池饒江等州山並是此山之支脈諸峰有剡削成煙嵐無際雷雨在下其巖城洞室巖竇瀑泉則無峯不有信靈山之密澤西北類太華山有峯三十大其水源亦二十六溪二十四洞十有二巖八水流而下合揚

之水為斷近之源第四峯有泉沸如湯嘗傷朱砂世傳黃帝嘗命駕與容成子游丘八公同遊合冊于此其後又有仙人曹阮之屬晉書宋織專酒泉太守馬岷路詩于石壁曰丹崖百丈青壁萬尋漁照詩至哉鍊玉人觀此長自畢晉書詩感徧遊名山採茶莫測所終好道者皆謂之羽化矣南史王僧虔傳曰若同歸亦聞温伯雪獨往今九泉皆羽化也潘岳詩曰覽餘跡兮未夷亦聞温伯雪獨往今相逢採秀辭五嶽攀巖壁萬重歸休白鵝嶺渴飲丹砂井鳳吹我時來雲車爾當整去去陵陽東行行芳桂叢迴溪十六度碧嶂盡晴空他日還相訪乘橋躡綵虹齊賢曰莊子温伯雪子舍於魯仲尼見之而不言于路問仲尼曰夫人者目擊而道存矣楚辭采三秀兮於山間王逸曰三秀芝草也白鵝嶺在黃山立希範詩馳道騰鳳吹漢武帝時忽一人乘雲車駕白鹿從天而下問之曰我中山衛叔卿也宣州志陵陽山在涇縣西南百里乃陵陽竇子明鈞得白龍放之之處王實曰淮南王莊子要略曰江海之士山谷之人輕天下細萬物而獨往可馬彪曰獨往任自然不復顧世江淹詩疑神任獨往莊子曰歸休乎君子無所用天下為陶潛詩吾生行歸休丹砂井即前段註黃山事也謝惠連詩行行道轉遠去去情彌遠淮南招隱賦桂樹叢生兮山之幽楚辭建綵虹以招指沈約詩標峯綵虹外

送方士趙叟之東平

李詩詩卷一六

七

長桑晚洞視五藏無全牛趙叟得秘訣還從方士遊
西過獲麟臺為我弔孔丘念別復懷古潛然泣淚留
齊賢曰莊子庖丁曰始吾之解牛之時所見無非牛者三年之後未嘗見全牛也方今之時臣以神遇而不以目視又孔子曰彼游心之外者而在游方之內者淮南子亭天下方術之士獲麟臺在魯國西左傳哀公十四年西狩獲麟左丘明傳曰西狩於大野叔孫氏之車子鉏商獲麟以為不祥仲尼觀之曰麟也然後取之拉預在麟仁獸聖上之嘉瑞時無明主出而遇獲仲尼傷周道之不興忘嘉瑞之無應故因魯春秋而脩中興之教絕筆於獲麟之一句毛詩潛然出涕王實曰史記曰扁鵲者勃海人姓秦氏名越人少時為長舍客長桑君過扁鵲獨奇之常謹遇之長桑君亦知扁鵲非常人出入十餘年乃呼扁鵲私坐間與語曰我有禁方年老欲傳與公公毋泄扁鵲曰敬諾乃出其囊中藥與扁鵲飲是以上池之水二十日當知物矣乃悉取其禁方書盡與扁鵲忽然不見殆非人也扁鵲以其言款藥三十日視垣見一方人以此視病盡見五藏微結特以診脈為名目

送韓準裝政孔巢父還山

魯中

獵客張兎且不能掛龍虎所以青雲人高歌在巖戶
韓生信英彥裝子舍清真孔侯復秀出俱與雲霞親

峻節凌遠松同衾卧盤石斧冰嗽寒泉二子同一展

齊賢曰毛詩肅肅兔置討兇目也伯中傳青雲之士顏延年陶徵士誄曰夷皓之峻節易并列無泉食于寶曰晉書王羲之清真有監裁顏延年詩峻節凌遠松霜曹植詩何必同衾裯然後良時時或乘

興往往往雲無心出山揖牧伯長嘯輕衣簪昨宵夢裏

還云弄竹溪月今晨曾東門帳飲與君別雪崖滑去

馬蘿徑送歸人相思若煙草歷亂無冬春

齊賢曰乘與字見前陶潛詞雲無心而出岫尚書周官曰外有州牧侯伯左思詩曰長嘯激清風疏廣傳曰公卿大夫故人邑子設祖道供帳東都門外王寶曰陶潛詩時時見發墟漢書吳王傳曰往往而有江淹別賦曰帳飲東都送客金谷陶潛詩荒塗無歸人鮑照詩歷亂不可治陸機演連珠曰頓網探深不能招龍振網羅雲不必招鳳是以巢箕之叟不訪丘園之弊洗謂之民不發傳歲之夢此詩首四句意出於此

送揚少府赴選

大國置衡鏡準平天地心羣賢無邪人朗鑒窮情深

吾君詠南風袞冕彈鳴琴時泰多美士京國會纒簪

李詩註卷十六

山苗落磻底幽松出高岑

齊賢曰禮記舜作五絃之琴以歌止上苗也仕贊曰易曰易與天地準故能彌綸天地之道又曰復其見入地之心乎禮春官司服享先王則袞冕鄭註云袞冕龍衣也袞其衣五章裳四章凡九也三禮圖袞冕垂白珠十有二旒以組為纒色如綬鞋續充耳玉簪導板黃金飾周制冕有紐詩文士烈十膏鈿箋云服之士壯美而敏夫子有盛才主司得球琳流水非鄭

曲前行遇知音衣工剪綺綉一悞傷千金何惜刀尺

餘不裁寒女衾我非彈冠者感別但開襟空谷無白

駒賢人豈悲吟大道安棄物時來或招尋爾見山吏

部當應無陸沈

齊賢曰馬貢惟球琳琅玕列子伯牙善鼓琴鍾子期善聽伯牙鼓琴志在登高山鍾子期曰黃

我哉我乎若泰山志在流水鍾子期曰善哉洋洋乎若江河樂記子夏曰鄭音好濫淫志謝惠連詩裁用筒中刀縫為萬里衣虞書王吉傳吉與貢禹為友世稱王陽在位負公彈冠言其取舍同也師古曰彈冠者言入仕也毛詩故故白駒在彼空谷山濤為吏部所甄拔入物各為題日時補山公啓事莊子曰是陸沈者也郭象注人中隱者譬如無水而沈子贊曰禮樂誌唯君為能知樂是改審聲以知音郭泰撰詩皎皎白紵絲織為寒女衣衣工秉刀尺棄我

忽如遺左思詩誰才自悲吟陶潛詩時來苟真會

對雪奉餞任城六父秩滿歸京

龍虎謝鞭策鵝鸞不司晨君看海上鶴何以籠中鶉
獨用天地心浮雲乃吾身雖將簪組狎若與煙霞親

齊賢曰易曰復其見天地之心孟子序仲尼抗浮雲之志簪組見前
士贊曰莊子有概飾之患而後有鞭策之威策初革反或作策三輔
決錄註太史公蔡衡曰凡象鳳者有五多赤色者鳳多青色者鸞多
黃色者鵝多紫色者鶩多白色者鵠此鳥多青乃鸞非鳳也蜀揚顯
傳曰鸞司晨照遊思賦乃江南之斷山信海上之飛鶴指浮雲
霞而問卿窺林嶼而訪泊論語不義而富且貴於我如浮雲

父有英風白眉超常倫一官即夢寐脫屣歸西秦竇

公敞華筵墨客盡來臻燕歌落胡鴈郢曲迴陽春征

馬百度嘶遊車動行塵躊躇未忍去戀此四座人錢

離駐高駕惜別空慙慙何時竹林下更與步兵鄰

曰史記項籍傳其季父項梁又項伯者項羽季父也馬良眉間有白
毫於兄弟中最良者時人語曰白眉最良孝武紀曰吾誠得如黃帝
吾視去妻子如脫屣耳楊雄長楊賦因筆墨成文章故藉翰林以為
主人子墨客卿以風陽春白雪事見一卷嵇康所與神交者阮籍山

李詩書卷一六

壽向秀劉伶籍兄子咸王戎為竹林之遊世所謂竹林七賢籍聞步
兵厨營人善釀有貯酒三百斛乃求為步兵校尉遺落世事士贊曰
北山移文張英風於海甸阮籍詩英風截雲莊子知效一官燕歌行
古樂府各歌錄曰燕地名猶楚苑之類始於魏文帝後為晉樂奏江
淹別賦驅征馬而不顧見行塵之時起陶潛詩為我少
躊躇又四座列羣英史樂書曰得以接歡喜台慙慙

魯郡堯祠送吳五之瑯琊

堯沒三千歲青松古廟存送行奠桂酒拜舞清心魂

日色促歸人連歌倒芳樽馬嘶俱醉起分手更何言

齊賢曰唐兗州魯郡有堯廟屈原九歌奠桂酒兮椒漿漢樂歌奠桂
酒酌椒漿士贊曰左傳心之精爽是謂魂魄江淹詩何用苦心慮晉
光逸傳曰劉畢方樽之友江淹別賦造
分手而銜涕謝宣遠詩分手東城闕

魯郡堯祠送竇明府薄華還西京

時久病
初起作

朝策犁眉騮舉鞭力不堪強扶愁疾向何處角巾微

服堯祠南長楊掃地不見日石門噴作金沙潭笑誇

故人指絕境山光水色青於藍

齊賢曰爾雅白馬黑鬣曰騮王導曰
駐黃馬黑鬣曰騮王導曰

元規若來吾便角巾還第孔子微服而過宋子廟中往往來擊路宿於石門士贊曰荀子青出於藍而青於藍

鼓堯本無心爾何苦門前長跪雙石人有女如花日

歌舞銀鞍繡轂往復迴數林蹶石鳴風雷透煙空翠

時明滅白鷗歷亂長飛雪紅泥亭子赤闌干碧流環

轉青錦湍深沈百丈洞海底那知不有蛟龍蟠齊賢曰

詩擊鼓其鏜古詩長跪問故夫西京雜記晉靈公豕甚塊壯四角皆以石為獲天奉燭石人男女四十餘皆立侍徐故業詩汗馬躍銀鞍

士贊曰范曄詩黃屋非堯心詩云有女同車又式歌君不見綠

珠潭水流東海綠珠紅粉沈光彩綠珠樓下花滿園

今日曾無一枝在昨夜秋聲聞闔來洞庭水落騷人

哀遂將三五少年輩登高遠望形神開生前一笑輕

九鼎魏武何悲銅雀臺齊賢曰石崇有別館在河陽之金谷

使人求之崇不許秀怒勸趙王倫誅崇倫矯詔收崇崇正宴樓上謂綠珠曰我今為爾得罪綠珠泣曰當效死於官前因自投樓下而死

文選古詩娥娥紅粉粧離騷倚閭闔而望予註閭闔天門也淮南子

建安十五年冬作銅雀臺陸士衡弔魏武文曰吾捷好妓人皆著銅

雀臺於臺上施八尺牀德帳朝脯上脯脯之屬月朝十五輒向帳作

枝伎等時時登銅雀臺望吾西陵墓田又云餘香可分與諸夫人諸

舍人無所為學作履組賣也士贊曰曹植詩顧盼遺光彩選王褒四

子講德論商歌下註曰商秋聲也左傳舞所以節八音而行八風註

云西方曰閭闔風淮南子天文訓曰涼風至四十五日閭闔風至註

云允卦之風也地形訓曰臯陶闔闔風之所生也宋玉賦曰登高遠

望使人心瘁莊子其寐也奄交其覺也形開又廣成子曰汝神將守

形形乃長生太史公論六家指要曰神者生之本也形者生之具也

晉書王沈末年嗜酒每嘆三日不飲便覺形神不相親史平原君傳

毛遂至楚定從而歸平原君曰毛先生之我歌白雲倚牕牖

爾聞其聲但揮手長風吹月度海來遙勸仙人一杯

酒酒中樂酣宵向分舉觴酌堯堯可聞何不令臯繇

擁篲橫八極直上青天揮浮雲高陽小飲真瑣瑣山

公酪酏何如我竹林七子去道賒蘭亭旌筆安足誇

堯祠笑殺五湖水至今憔悴空荷花爾向西秦我東

越暫向瀛洲訪金闕監田太白若可期為余掃灑石

上月

齊賢曰列子西王母為王謠註徒詩曰謠詩名白雲徐陵有浪孝武云長星勸汝一杯酒騶術如燕昭王擁篲先驅漢紀太公擁

襄陽習氏有大池簡時出醉其上名曰高陽池兒童歌曰山公出何許往往至高陽池日夕倒載歸醉而無所知竹林七賢事見前王羲之蘭亭序曰永和九年歲在癸丑暮春之初會于會稽山陰之蘭亭法書要錄云僧智永弟子辯才嘗於寢堂伏梁上鑿暗檻以貯之後隨入昭陵五湖大湖也一作鏡湖東越會稽也漢志三神山上黃金銀為宮闕唐京兆府藍田縣范子計然曰玉英出藍田太白山在武功縣南去長安三百里士寶曰孔德璋北山移文曰千青簪而直上爾雅曰化化瑣瑣小也論語酒掃應對

金鄉送韋八之西京

客自長安來還歸長安去狂風吹我心西掛咸陽樹

此情不可道此別何時過望望不見君連山起煙霧

齊賢曰漢志長安縣高帝五年置惠帝元年初城六年成戶八萬八百士寶曰毛詩凱風自南吹彼棘心木華海賦波如連山太白此詩因別友而動懷君之思可謂身在江海心存魏闕者矣或者謂白詩全無關於人倫風教其厚誣太白哉

送薛九被讒去魯

宋人不辨玉魯賤東家丘我笑薛夫子胡為兩地遊

黃金消眾口白璧竟難投梧桐生疾藜綠竹之佳實

鳳凰宿誰家送與群雞匹

齊賢曰關子曰宋人得燕石以為寶事見前魯人不知孔子以為是東家丘鄰陽傳衆口銷金師古曰美金見毀衆共疑之數被燒煉以至銷鏤又曰夜光之璧以闇投人於道莫不按劍相時詩箋云鳳凰之性非梧桐不栖非竹實不食說苑趙鞅謂陽虎曰樹莢藜者夏不得休息秋得其刺焉屈原卜居曰將與雞鶩爭食乎田家

養老馬窮士歸其門蛾眉笑臂者賓客去平原却斬

美人首三千還駿奔

齊賢曰田子方見老馬於道問其御者曰少盡其力老棄其身仁者不為也以東帛贖之史記平原君家樓臨民家民家有臂者繫散行汲平原君美人居樓上臨見大笑之明日臂者至門請曰臣不幸有罷癯之疾而君之後宮笑臣臣願得笑者頭平原君笑應曰諾臂者去君笑曰此豎子乃欲以一笑之故殺

吾美人不亦甚乎居歲餘賓客稍稍引去平原君怪之門下一人前曰以君之不殺笑臂者以君為愛色而賤士即去耳於是君乃殺笑臂者美人頭自造門謝焉門下乃復稍毛公一挺劍楚趙兩

相存

齊賢曰史秦圍邯鄲趙使平原君求救合從於楚約與食客

願備員而行平原君與楚合從言其利害日出而食之曰中不決毛遂按劍而前曰白起小賢子耳率數萬之衆與楚國戰一戰而

楚王曰王當軟而定從次者吾君次者遂定從於殿上

子魯嘗

悅狡兔三窟賴馮諼

齊賢曰史記孟嘗君使馮諼收責於薛諼

君見之曰責畢收乎曰收畢矣以何市而反諼曰君云視吾家所寡有者臣竊計君所寡者義耳竊以為君市義君不說其年孟嘗君就國於薛民扶老攜幼迎君道中君顧馮諼曰先生所為文市義者乃今日見之諼曰狡兔有三窟僅得免其死今君有一窟未得高枕而

侯生三言

士齊曰史記魏公子無忌用侯生計矯晉鄙兵救趙事見三卷

李園

齊賢曰史記楚人李園進女弟於春申君君即幸之知其有身園與其女弟謀使說君曰今妾有身而人莫知誠以君之

四公子撫掌黃泉裏借問笑何人笑人不好士爾去

且勿誼桃李竟何言沙丘無漂母誰肯飯王孫

重進妾於楚王王必幸妾賴天有子男則是君之子為王也楚國盡可得君大然之乃出國女弟謹舍而言之楚王王召入幸之遂生子

男立為太子以園女弟為王后楚王貴李園園用事恐春申君語泄欲殺君以滅口而國人無有知者後楚考烈王卒李園果先入伏死士於棘門之內春申君入棘門死士刺君斬其頭投之棘門外使吏盡滅君之家而李園女弟所生子者遂立為幽王

賢哉

且勿誼桃李竟何言沙丘無漂母誰肯飯王孫

記沙丘在鉅鹿此沙丘當在魯韓信釣於城下諸母漂有一母見信飢飯信竟漂數十日信喜謂漂母曰吾必有以重報母母怒曰吾哀

王孫而進食豈望報乎士齊曰按此四句乃是總上之意蓋取乎原孟嘗信陵得士而用其言故卒能自保譏春申君不能朱英之言而卒受李園之禍故詩中有春申一何愚之語也國策曰李園既入其女弟為王后子為太子恐春申君語泄而益驕陰養死士欲殺春申君以滅口而國人頗有知之者春申君相楚二十五年考烈王病

朱英謂春申君曰世有無妄之福又有無妄之禍今君處無妄之世以事無妄之主安不有無妄之人乎春申君曰何謂無妄之福曰君相楚二十餘年矣雖名為相國實楚王也五子皆相諸侯今王疾甚曰暮且崩太子衰弱疾不起而君相少主因而代立當國如伊尹也春申君曰何謂無妄之禍曰李園不治國王之舅也不為將兵而陰養死士之曰矣楚王崩李園必先入據本議制斷君命乘權而

西行有東音寄與長河流

齊賢曰書盤遊無度又曰外作禽

歌也孟嘗君傳云關公雞鳥而出客來呂洞切水出代郡東南入河
王贊曰陸雲九歌悲即曰登高立以遐望方思游觀之淹留詩小序
曰哀公好政憚從禽獸而無厭國人化之遂成風俗晉於田獵謂之
賢閑於馳逐謂之好焉漢書傳東方朔曰銷憂者莫若酒班婕妤曰
酌羽觴兮銷憂曹植詩
紛歌蕩思誰與銷憂

魯城北郭曲甃桑下送張子還嵩陽

送別枯桑下凋葉落半空我行憊道遠爾獨知天風

誰念張仲蔚還依嵩與蓬何時一杯酒更與李膺同

齊賢曰古樂府云枯桑知天風三輔決錄張仲蔚平陵人所居蓬蒿
沒人木子膺字元礼穎川襄城人荀爽貽膺書曰知以直道不容於時
悅山藁水家于陽城漢志襄城陽城嵩高山並穎川郡李膺云昔
取其分嵩陽也王贊曰太白以仲蔚比張子而以李膺自比耳

分類補註李太白詩卷之十六

分類補註李太白詩卷之十七

送

送魯郡劉長史遷弘農長史

魯國一杯水難容橫海鱗仲尼且不敬况乃尋常人
白玉換斗粟黃金買尺薪閉門木葉下始覺秋非春

齊賢曰孟子以一杯水救一車薪之火海賦魚則橫海之鯨魯人以仲尼為東家丘周禮考工記注八尺曰尋倍尋曰常楚詞洞庭波兮木葉下王贊曰莊子覆杯水於坳堂之上則芥為之舟置杯焉則膠賈誼賦彼尋常之河瀆兮豈能容吞舟之魚橫江湖之鱣鯨兮固將制於螻蟻亦取天子之道至大天下莫能容之義此用其意戰國策蘇秦曰楚國食貴於玉薪貴於桂張協詩尺燼重尋托紅粒貴瓊瑤良曰燼薪也紅粒米也一尺之薪價重於一尋之桂而米亦重於玉也淮南子曰一葉落而天下知秋聞君向西遷

地即鼎湖隣寶鏡匣蒼鮮丹經理素塵軒后上天時
攀龍遺小臣及此留惠愛庶幾風化淳

前上贊曰尚書注惠愛也愛則民歸之前漢刑法志曰庶幾可及詩大序曰止以風化下魯編如白煙五綠

不成束臨行贈貧交一尺重山嶽相國齊晏子贈行
不及言託陰當樹李忘憂當樹萱他日見張祿綠袍

懷舊恩齊賢曰孔安國曰編白緇韓安國曰強弩之末不能穿魯

陰陽家語孔子去周老子送之曰富貴者送人以財仁者送人以言晉趙鞅謂陽虎曰樹桃李者夏得其休息秋得其實焉毛詩焉得諼草言樹之皆注章草令人忘憂張祿范睢也綠袍總總事見前注王贊曰後漢馮衍傳曰德重山岳澤深河海選短歌行思念舊恩

送族弟單父主簿凝攝宋城主簿至郭南月橋却迴棲霞山留飲贈之

吾家青萍劍操割有餘閑往來糾二邑此去何時還
鞍馬月橋南光輝歧路間賢豪相追餞却到棲霞山
群花散芳園斗酒開離顏樂酣相顧起征馬無由攀

齊賢曰青萍劍名左傳曰未能操刀而使割也曹植詩採桑岐路間滿五山詩驅役宰一邑王贊曰鮑照詩鞍馬光照地又宗黨生光輝鬪食其傳縣中賢豪不敢役陶潛詩斗酒聚比隣又綠酒開芳顏江淹別賦云驅征馬而不顧

魯郡東石門送杜二甫

醉別復幾日登臨徧池臺何時石門路重有金樽開
秋波落泗水海色明徂徠飛蓬各自遠且盡手中杯

齊賢曰宋王九辯潦慄兮若在遠行登山臨水兮送將歸論語子路宿於石門江淹詩金樽坐令霜露郡有泗水縣毛詩徂徠之松註山名又首如飛蓬士贊曰杜工部嘗有詩贈太白曰何時一樽酒重與細論文今觀此篇豈一時酬答之詩耶

魯郡堯祠送張十四遊河北

猛虎伏尺草雖藏難蔽身有如張公子骯髒在風塵
豈無橫腰劍屈彼淮陰人擊筑向北燕燕歌易水濱

齊賢曰後漢趙壹詩伊優北堂上歸來太山上當與爾為鄰

杭州送裴大澤時赴廬州長史

西江天柱遠東越海門深去割辭親戀行憂報國心

好風吹落日流水引長吟五月披裘者應知不取金

齊賢曰漢書武帝登嵩天柱山文穎曰天柱山在潯縣南杭州望海門二山隱隱可見嵇康高士傳披裘公者吳人延陵季子出遊見道中有遺金時當五月見披裘負薪顧令取飲金公投鍊噴曰五月披裘而負薪豈取金者哉季子大驚問其姓名公曰吾子皮相之士安足語姓名南史魏彬中山人嘗以一束苧就長沙寺僧錢後讀字中得五兩金送還寺道人以半酬彬彬不受謂曰五月披裘者負薪豈拾遺金者耶王贊曰李陵書曰故欲如前書之言報恩於國主耳陶潛詩好風與之俱曹植詩驚風飄白日忽然歸西山魏武帝詩短歌微吟不能長

灞陵行送別

送君灞陵亭灞水流浩浩上有無花之古樹下有傷
心之春草我向秦人問路岐云是王粲南登之古道

古道連綿走西京紫關落日浮雲生正當今夕斷腸
處黃鸝愁絕不忍聽

齊賢曰灞陵見前此言子日浩浩若水育送君南浦傷如之何王粲山陽人獻帝西遷從至長安以西京擾亂乃之荆州依劉表登荆州縣城樓作賦以寄意王贊曰京福殿賦綠

水浩浩魚照詩 駒馬停路岐 顏延年詩 城闕煙塵生 江淹詩 日落長沙 渚曾陰 萬里生 選 燕歌行 念君客遊思 斷腸王 蔡詩 不忍聽此言

送賀監歸四明應制

父辭榮祿遂初衣 曾向長生說息機 真訣自從茅氏得 恩波應阻洞庭歸 瑤臺含霧星辰滿 仙嶠浮空岳嶼微 借問欲栖珠樹鶴 何年却向帝城飛

齊賢曰 賀知章 謫居天寶中 病還 帝居乃請為道士 還鄉里 詔許之 以宅為千秋觀 而居 又求還 信湖 數頃 為放生池 賜鏡湖 剡溪一曲 既行 帝賜詩 皇太子百言 綵送 晉孫綽 嘗作 遂初賦 洞仙傳 茅濛字初成 師鬼谷先生 受長生之術 神州之方 入華山 修道 合藥 乘雲 駕龍 白日昇天 離騷望瑤臺之溷 寒兮 見有娥之逸 女淮南子 崑崙中有增城九重 珠樹王樹 漢陳感 數賂 遺陳 湯子書曰 即夢子公力得入 帝城 死不恨

送竇司馬貶宜春

天馬白銀鞍 親承明主歡 關雉金宮裏 射鴈碧雲端 堂上羅中貴 歌鐘清夜闌 何年謫南國 拂劍坐長嘆 趙璧為誰點 隋珠枉被彈 聖朝多雨露 莫厭此行難

李詩卷十七

齊賢曰 漢志 塗注 水出天馬 徐敬業詩 汗馬躍銀鞍 曹植詩 關雉東郊 道史 秦既得 趙璧 無意與 城關 相如 回之曰 此望有 瑕以 歸呂氏 春秋 隋侯之 珠 彈千 劍之 雀 出必 笑之 說苑 隋侯之 珠 用之 彈雀 不 如 泥丸 王 贊曰 漢李 廣傳曰 使中 貴人 從廣 服虔曰 內之 貴幸者 關 雉事 見三 卷 鮑照詩 庭下 列歌 鐘曹 植詩 清夜 遊西 園聖 朝多 雨露 即唐 書制曰 朕以 恩澤 者 帝王之 雨露 之意 記孔子 聞居曰 天有 風 雨 霜 露 無 非 數也

送羽林陶將軍

將軍出使擁樓船 江上旌旗拂紫煙 萬里橫戈探虎穴 三杯拔劍舞龍泉 莫道詞人無膽氣 臨行將贈繞朝鞭

齊賢曰 唐志 左右羽林軍 大將軍 各一人 正三品 副將軍 各二人 從二品 掌統 統北 橋禁 兵 督攝 左右 昭 飛騎 儀仗 大朝 會則 周衛 階陛 巡幸 則夾 馳道 為內 仗 通典 樓船 船上 建樓 三重 列女 櫓 戰格 樹 幡 幟 開 弩 矟 矛 穴 狀如 城壘 周禮 熊 虎 為 旗 折 羽 為 旌 漢書 班超 曰 不入 虎穴 不得 虎子 史記 項 莊 拔 劍 起 舞 龍 泉 劍 各 左 傳 土 會 辭 秦 歸 繞 朝 贈 之 以 策 王 贊 曰 班 固 東 都 賦 旌 旗 拂 天 鮑 照 詩 揚 分 紫 煙 上 詞 人 大 白 自 稱 也 揚子 曰 詞 人 之 賦 麗 以 淫

送程劉二侍郎兼獨孤判官赴安西幕府

安西幕府多材雄喧喧唯道三數公綉衣貂裘明績

雪飛書走檄如飄風朝辭明主出紫宮銀鞍送別金

城空齊賢曰唐志安西都護府治四州後徙治高昌故地又徙治龜茲都督府而故府復為西州李嶺傳幕府省約文書師古

曰幕府以軍幕為義軍旅無常居止故以帳幕言之漢百官公卿表待御史有綉衣直指蘇秦黑貂之裘弊說文檄尺二書也師古曰為檄文馳以示遠所西都賦煥若列宿紫宮是環徐敬業詩汗馬羅銀鞍過秦論曰金城千里上贊曰謝靈運詩積雪明遠峯荀子議兵曰楚人輕利便

天外飛霜下葱海火旗雲馬生光彩胡塞

清塵幾日歸漢家草綠遙相待齊賢曰漢書西則限以葱嶺其山高大火上參生葱故以名考工記龍旂九旒以象大火鳥旗七旒以象鶉火大火倉龍宿之心鶉火朱鳥宿之柳王贊曰張景陽七命飛霜迎節高風送秋禮又官考工記輔人龍旂九旒以象大火也註曰交龍為旂諸侯之所建也大火倉龍宿之心其屬有尾尾九星魏文帝詩上天垂光彩曹植詩顧盼遺光彩

送姪良攜二妓赴會稽戲有此贈

攜妓東山去春光半道催遙看若桃李雙入鏡中開

齊賢曰王羲之云每行山陰道上如鏡中遊王贊曰謝安攜妓東山事見前曹植詩曰南國有佳人容華勝桃李

送賀賓客歸越

鏡湖流水漾清波狂客歸舟逸興多山陰道士如相

見應寫黃庭換白鵝齊賢曰賀知章自號四明狂客事見前詩羲之傳山陰道士養好鵝羲之性觀

意甚悅道士云為鳥道德經當奉群相贈羲之欣然為畢籠鵝而歸

送張遙之壽陽幕府

壽陽信天險天險橫荆關符堅百萬眾遙阻八公山

不假築長城大賢在其間戰夫若能虎破敵有餘閑

張子勇且英少輕衛霍尋投軀紫髯將千里望風顏

勗爾效才略功成衣錦還齊賢曰壽春縣屬九江東晉以鄭皇后諱改壽陽易曰天險不可升

八公山一名肥陵山在壽春縣北四里李勣傳治并州十六年以威肅聞帝嘗曰煬帝不擇人守邊勞中國築長城以備虜今我用勗守并突厥不敢南賢長城遠矣獻帝春秋張遼問吳降人向有紫髯將準上長下短便馬善射是誰曰孫會稽朱買臣拜會稽太守上曰臣

賈不歸故鄉如衣錦夜行王粲曰存堅兵敗見八公山草木皆晉師
事見前卷注你雅釋名能虎為旗將軍所建家世益益如能虎也
南青雀去病也一人皆洪名將昇字又出洪書張曰傳云吾王孫王
也孟康曰冀州人謂懦弱也厚字洪田延年等云以才略給事幕府

送裴十八圖南歸嵩高山二首

何處可為別長安青綺門胡姬招素手延客醉金樽
臨當上馬時我獨與君言風吹芳蘭折日沒烏雀喧
舉手指飛鴻此情難具論同歸無早晚潁川有清源

齊賈曰長安霸城門曰青綺古詩織、出素手曹植祭府金樽玉杯
不能使薄酒更厚高士傳許由隱而去耕於中岳潁水之陽王粲曰
蘇東詩目送飛鴻謝靈運詩客遊倦
水宿風潮難具論毛詩与子同歸

其二

君思潁水綠忽復歸嵩岑歸時莫洗耳為我洗其心
洗心得真情洗耳徒買名謝公終一起相與濟蒼生

齊賢曰巢父洗耳事見前繫辭聖人以此洗心江淹書
云誰不買各声於天下晉書曰安石不起當如蒼生何

同王昌齡送族弟襄歸桂陽二首

秦地見碧草楚謠對清樽把酒爾何思鷓鴣啼南園
余欲羅浮隱猶懷明主恩躊躇紫宮戀孤負滄洲言
終然無心雲海上同飛翻相期乃不淺幽桂有芳根

齊賢曰江淹賦春草碧色南越志鷓鴣雞東西廻翔然開翅之始必
先南者其鳴自呼社溥州羅浮山在增城博羅二縣之境西京賦正
紫宮於未央揚雄檄靈輿世有黃公者起於滄洲謝眺詩復憶滄洲
遊謝靈運詩終然謝天伐陶潛辭雲无心而出岫王粲詩苟非鷓鴣
孰能飛翻王粲曰周易何思何慮張協詩胡蝶飛南園趙堅詩投軀
報明主晉劉琨詩曰其意氣相期如此唐書高祖謂尉遲敬德曰文
夫當以意氣相期細味此詩非一飲不忘
君者乎議者何厚誣太白之不如杜哉

其二

爾家何在瀟湘川青莎白石長江邊昨夢江花照江
國幾枝正發東忽前覺來欲往心悠然竟隨越鳥飛
南天秦雲連山海相接柱水橫煙不可涉送君此去

令人愁風帆茫茫隔河洲春潭瓊草綠可折西寄可長

安明月樓齊賢曰楚詞青莎離情繁草離繁古詩越鳥巢南技荆靈運詩且帆桂水朝詩云在河之州王贊曰張衡詩欲

往從之嶺坂長晉謝安嘗与王羲之登冶城悠然遐想有高世之志晉天文志秦雲如行人江淹別賦送君南浦傷如之何繁欽述行賦

送外甥鄭灌從軍二首

六博爭雄好彩來金盤一擲萬人開丈夫賭命報天

子當斬胡頭衣錦迴王贊曰楚河篋敵象床有六博晉書劉毅

北史高琳侍宴賦詩曰何以報天子沙漢淨妖氛爭雄金盤衣錦三事並見前

其二

丈八蛇矛出隴西彎弧拂箭白猿啼破胡必用龍韜

策積甲應將能耳齊齊賢曰晉載記陳安敗死龍上人歌曰

南子楚王有白猿使養由基射之矯矢未發而猿攬柱号矣太公六韜有九韜光武降赤眉於宜陽積兵甲宜陽城西与熊耳山齊王贊

日艱照詩弯派不鮮張

其三

月蝕西方破敵時及瓜歸日未應遲斬胡血變黃河

水梟首當懸白鵲旗齊賢曰西陽姐云李太白開綠山反作

死日果見太白鵲月左傳瓜時而往及瓜而代崔鴻十六国春秋伏都攻冉閔為其所殺橫尸相枕血流成渠史記武王新紂勝之白旗

送于十八應四子舉落第還嵩山

吾祖吹索笳天人信森羅歸根復太素羣動熙元和

炎炎四真人擗辨若濤波交流無時寂揚墨日成科

夫子聞洛誦誇才才故多為金好踴躍久客方蹉跎

道可束賣之五寶溢山河勸君還嵩丘開酌盼庭柯

三花如未落乘興一來過齊賢曰吾祖老子也老子云天地

復其根歸根曰靜列子云太素者質之始也莊子云何謂真人古之真人登高不慄入水不濡入火不熱孟子曰楊朱墨翟之言盈天

下莊子曰副墨之子洛誦之孫又曰大冶鑄金金踊躍曰我必為錐
錐大冶必以為不祥之金阮嗣宗詩白日忽蹉跎淵明歸去來辭
庭柯以怡顏王子猷云乘興而來王贊曰莊子曰白雲於一丁不離於
宗謂之天人謝靈運詩窈窕究天人陶潛詩日入群動息二花聚頂
五氣朝元道家修養法也二花落則死矣二花未落
乘興來過言有生之年未死之日猶有再會之期也

送別

尋陽五溪水汭洄直入巫山裏勝境由來人共傳君
到南中自稱美送君別有八月秋颯颯蘆花復益愁
雲帆望遠不相見日暮長江空自流

齊賢曰麗元注水經
曰武陵有五溪謂雄
溪蒲溪西溪無溪辰溪士俗雜作熊補作朗無作武悉是蠻夷所居
故謂之五溪蠻皆槃瓠子孫在今辰州界江賦汭洄沿流註並流而
上曰汭洄順流而下曰沿巫山見前王贊曰尋陽五溪水汭洄直入
巫山裏者詩意蓋謂由尋陽上五溪而入巫山也巫山介乎夔峽二
州之間峽有青溪赤溪綠羅溪滄茫溪姜詩溪為峽之五溪必知別
者由九江徑之二峽而入巫山也今子見直指為武陵五溪恐失詩
意按此五溪由沅合湘瀘于洞庭至岳陽而後入江與巫峽地勢不
相聯屬借四此水亦經尋陽太白豈肯遺乎沅湘洞庭之大而獨舉
夫武陵五溪之細乎所引非武陵五溪其明當是峽之五溪也易曰
其所由來者漸矣楚詞風颯颯兮木蕭蕭江淹別賦送君南浦傷如

李詩註卷十七

之何馬融廣成頌方餘艘連帆舟張雲帆施悅晴王
勃詩盤外長江空自流孟子有字音又此有字同

送族弟綰從軍安西

漢家兵馬乘北風鼓行而西破犬戎爾隨漢將出門
去剪虜若草收奇功君王按劍望邊色旄頭已落胡
天空匈奴繫頸數應盡明年應入蒲萄宮

送梁公昌從信安北征

入幕推英選捐書事遠戎高談百戰術鬱作萬夫雄
起舞蓮花劍行歌明月宮將飛天地陣兵出塞垣通
祖席留丹景征塵拂彩虹旋應獻凱入麟閣佇深功

齊賢曰孫子曰百戰百勝非善之善者也漢高祖項莊曰軍中無以
為樂請以劍舞晉灼曰古長劍首以玉作并鹿盧形上刻木作山形

如蓮花初生未敷時虎鬚武王問太公曰凡用兵為天陣地陣人陣
柰何太公曰日月星辰斗杓一左一右一向一背此謂天陣丘陵水
泉亦有前後左右之利此謂地陣用車用馬用文用武此謂人陣古
今註塞者所以擁塞夷狄風俗通云共工氏子好遠遊故祀以為祖
神祖也古今註塞所以指麾武王秉白旌以麾是也丹景日也沈
休文詩標峯紆紆外楚詞建綵虬以招指周官大司樂王軍大獸則
鼓其愷崇愷歌大司馬老馬師有功則愷樂獻于社漢蘇建傳甘露三
年上思嚴肱之美乃圖畫其人於麒麟閣王贊曰晉謝安謂郗超曰
郗生可謂入幕之賓矣陸機詩高談一何綺史記魏外黃徐子謂太
子申曰臣有百戰百勝之術書曰萬夫之長北史高昂傳論曰昂昂
膽力氣冠萬夫王粲詩生為百夫
雄死為壯士規莊子行歌而去之

送白利從金吾董將軍西征

西羌延國討白起佐軍威
劍決浮雲氣弓彎明月輝
馬行邊草綠旌卷曙霜飛
抗手凜相顧寒風生鐵衣

齊賢曰漢有東羌西羌西羌本出二苗羌姓之別其國近南岳乃
流之三危河關之西南羌地是也漢於賜支至乎河首綿地千里賜
支為貢析支也南接蜀漢徽外蠻夷西北鄰善車師諸國所居無常
依隨水草地少五穀以產牧為業史記白起郿人善用兵事秦昭王
為武安君王贊曰莊子曰天子之劍上决浮雲下絕地紀此劍一用
匡諸侯天下服矣孔叢子曰子高游趙還有鄉文李節者送別流涕

六交順子高
抗手而已

送張秀才從軍

六駁食猛虎恥從駑馬群
一朝長鳴去矯若龍行雲
壯士懷遠略志存解世紛
周粟猶不顧齊珪安肯分
抱劍辭高堂將投崔冠軍
長策掃河洛寧親歸汝墳

齊賢曰毛詩隈有六駁毛萇曰駁
如馬結牙食虎豹屈原卜居云將

隨駕馬之跡平樊噲入項王曰壯士顏延年陶徵士誄曰解體世紛
結志區外史記武王平殺伯夷叔夷不食周粟隱於首陽山左思詩
吾慕魯仲連談笑却秦軍當世貴不羈曹難能解紛功成不受賞高
節卓不群臨組不肯綵對珪不肯分項羽傳諸將皆屬宋義號為卿
子冠軍張晏曰若霍去病功冠三軍因封為冠軍侯師古曰冠軍言
其在諸軍之上過秦論曰奮長策而御宇內時祿山思明於洛陽揚
子孝莫大於寧親毛詩汝墳箋云墳冢也虞義詩當今麟閣上千載
有姓名王贊曰前漢西域傳張騫標致遠之畧收猛武當作猛虎昔
唐國諱虎故以武易之
異代不諱因校正焉

送崔度還吳度故人禮部員外輔國之子

幽燕沙雪地萬里盡黃雲朝吹歸秋雁南飛日幾群
中有孤鳳雛哀鳴九天聞我乃重此鳥綵章五色分
胡為雜凡禽雞鶩輕賤君舉手捧爾足疾心若火焚
拂羽淚滿回送之吳江瀆去影忽不見躊躇日將曛
齊賢曰唐幽州范陽郡幽都縣武德元年為燕州謝靈運詩風悲黃雲起淮南子曰黃泉之埃上有黃雲東觀記鳳高八尺五彩易林曰鳳生五雞在原卜居云將與雞鶩爭食平月令云鳴鳩拂其羽左思詩躊躇足力頹士贊曰江淹詩黃雲蔽千里詩云哀鳴數嗷又如慘如焚憂心如熏絲章五色見前周禮水涯曰黃鵠照詩向風起江瀆

送祝八之江東賦得浣紗石

西施越溪女明艷光雲海未入吳王宮殿時浣紗古
石今猶在桃李新開映古查菖蒲猶短出平沙昔時
紅粉照流水今日青苔覆落花君去西秦適東越碧
山青江幾超忽若到天涯思故人浣溪石上窺明月

李詩註卷十七 九

齊賢曰寰宇記勾踐索美女獻晉云王得諸暨賣新女鄭旦西施先習禮於土城山山邊有石是西施浣紗石士贊曰王簡栖頭陀寺碑東望平皇千甲里超忽

送侯十一 梁宋

朱亥已擊晉侯嬴尚隱身時無魏公子豈貴抱關人
余亦不火食遊梁同在陳空餘湛盧劍贈爾託交親
齊賢曰禮記有不火食者矣論語孔子在陳絕糧越絕書闔閭無道湛盧之劍去之入水士贊曰侯嬴進朱亥於公子無忌事見前曹植詩親交義不薄漢司馬相如傳曰薄遊梁

魯中送二從弟赴舉之西京 再至魯中一作送弟鐘

魯客向西笑君門若夢中霜凋逐臣髮日憶明光宮
復羨二龍去才華冠世雄平衢騁高足逸翰凌長風
舞袖拂秋月歌筵聞早鴻送君日千里良會何由同
齊賢曰桓子新論云人聞長安樂則出門向西而笑三輔舊事云桂宮內有明光殿吳陶立洪薦劉繇字止禮刺史曰前年舉山公本亦何

復舉正禮洪曰若使君用山公於前擢止禮於後所謂御一龍於長途爾雅四達謂之衢宗慈乘長風破萬里浪中記長神善舞士贊曰鮑照詩逐臣對撫心漢元右弟成都侯王商嘗病暑從上借明光宮後漢許劭字子將與兄爽並知名汝南人稱平輿淵有二龍齊柳惔與兄悅王儉謂柳氏二龍靈湛詩智勇冠當出江淹詩吳君如昨日

奉饒高尊師如貴道士傳道錄畢歸北海州

道隱不可見靈書藏洞天吾師四萬劫歷世遞相傳

別杖留青竹行歌躡紫煙離心無遠近長在玉京懸

齊賢曰神仙傳壺公謂費長房曰我某日去知能去乎曰汝觀春不知其去有門許公乃取一青竹杖與長房曰神以竹杖歸家便可稱病以此竹杖置則處默然便來房如公言去後家人見房死尸在床哭葬之及歸公又與竹杖曰但騎此得到家房騎竹杖辭去忽如腫覺已到家具述視之乃青龍也古白鳩頰茲亦耿介矯翮紫煙士贊曰老子云道隱無名託禮運曰今大道既隱天下為家莊子曰夫道可傳而不可受可得而不可見又曰道不可聞聞而非也道不可見而非也道經有靈書二十四事乃老君授青童大君者又莊子鑿見問道被衣被衣言未卒齒缺睡被衣大悅行歌而去之王京見十四卷

金陵送張十一再遊東吳 金陵

張翰黃花句風流五百年誰人今繼作夫子世稱賢

再動遊吳棹還浮入海船春光白門柳霞色赤城天

去國難為別思歸各未旋空餘賈生淚相顧共悽然

齊賢曰張翰字季鷹吳人詩曰青條若總翠黃花如散金金陵有白下門會稽記赤城山名赤狀似雲霞曲禮丈夫士去國祭器不踰境史記賈生為梁懷王太傅數年王墮馬死無後生自傷為傳無狀哭泣歲餘亦死王贊曰漢書漢王心悽然憐薄姬

送紀秀才遊越

海水不滿眼觀濤難稱心即知蓬萊石却是巨鰲簪

送爾遊華頂令余發鳥吟仙人居射的道士住山陰

禹穴尋溪入雲門隔嶺深綠蘿秋月夜相憶在鳴琴

齊賢曰校乘士發曰將以八月之望觀濤于廣陵之曲江孔靈符會稽記射的山南有白鶴山此鶴為仙人取箭前王羲之傳山陰有道士養好鵝羲之性觀焉太史公自序云上會稽探禹穴張晏曰禹巡狩不至會稽而崩因葬焉上有孔允民間云禹入此穴若耶溪雲門寺在越州會稽縣南齊何胤嘗遊焉郭璞詩綠蘿結高林北山後文秋羅罷月方恩詩巖允無結構立中有鳴琴士贊曰巨鰲戴山及莊鳥越

吟並見前陶潛
文孤遺滿眼

送長沙陳太守二首

長沙陳太守逸氣凌青松英主賜五馬本是天池龍
湘水迴九曲衡山望五峯榮君按節去不及遠相從

齊賢曰董儀太守五馬周禮馬八尺以上為龍王贊曰魏文帝與吳質書曰公幹有逸氣但未適耳晉書桓溫傳史臣曰桓溫好雄豪之流氣江淹詩青松秀萼號曰青松喻貞性也莊子曰南

其二

七郡長沙國南連湘水濱定王垂舞袖地窄不迴身
莫小二千石當安遠俗人洞庭鄉路遠遙羨錦衣春

齊賢曰唐志潭州長沙郡衡州衡陽郡永州零陵郡道州江華郡郴州桂陽郡邵州邵陽郡止六郡湘水見前注漢書長沙定王發母唐姬故程姬侍者景帝召程姬程姬有所避不願進而飾侍者唐兒使夜進上醉不知以為程姬而幸之生子因名發以母徽而無寵故王早退貧國應郡曰景帝後二年諸王來朝有詔更前稱壽歌在定王但張襲小卒手左右笑其拙上怪問之對曰臣國小地狹不足回旋

帝乃以武陵零陵桂陽益焉漢志秦郡守秩二千石漢中二千石二千石皆皂蓋朱兩轡師古曰中二千石實得二千石也中之為言滿也月得一百八十斛是一歲凡得二千一百六十石言二千者率成數也周高祖謂劉雅曰古人云富貴不歸故鄉猶衣錦夜遊今以卿為本州如何

送楊燕之東魯

關西楊伯起漢日舊稱賢四代三公族清風播人天
夫子華陰居開門對下蓮何事歷衡霍雲帆今始還

齊賢曰楊震字伯起號閑西夫子延光二年為太尉震子秉延熹五年代劉矩為太尉字賜字伯獻熹平二年代唐珍為司空後拜太尉子彪字文先光和六年代董卓為司空其冬代黃琬為司徒彪傳云自震至彪四出太尉德業相繼則五公當為三公公今釐正之華山記山頂有池生千葉蓮花服之羽化因名華山山有蓮花峯王贊曰晉陶潛傳論曰激清風於來草濤山記濤山南嶽也至黃帝乃以濤霍一山為副兩雅霍山為南嶽蓋因其制也至漢武帝南巡又以濤山假遠阻江乃徙南嶽之祭于廬江濤山北亦斬剡副義也馬融廣成頌曰張雲

帆施蜺幘君坐稍解顏為我歌此篇我固侯門士謬登
聖主延一辭金華殿踏踏長江邊二子曾門東別來

已經年因君此中去不覺淚如泉

齊賢曰列子云夫子始一解顏而笑西都賦金

華五堂後漢書楊賜勸講金華海賦贈踏窮波太白子伯禽及女皆在魯王賓曰漢書樓護傳王氏賓各滿門五侯爭名其客各有所厚不得左右唯護盡入其門咸得其權心劉琨詩淚下如流泉

送蔡山人

我本不棄世世人自棄我一乘無倪舟八極縱遠拖

燕客期躍馬唐生安敢譏採珠勿驚龍大道可暗歸

故山有松月逢爾翫清暉

齊賢曰莊子夫欲効於形者莫如棄世棄世則無累矣鮑照詩君平

獨寂冥身世兩相棄列子曰至人揮斤八極神氣不變史記蔡澤無人從唐宰相唐宰相熟視而笑曰先生昂鼻巨肩鵬頭感羈膝擊吾聞聖人不相始先生乎蔡澤知唐宰相戲之乃曰富貴吾所自有所不知者壽也卒曰先生之壽從今以往者四十三歲澤笑去諫而去謂御者曰吾持梁刺齒躍肥馬疾驅懷黃金之印結紫綬於腰揖讓人士之前食肉富貴四十二年足矣莊子曰千金之珠必在九重之淵而騁龍頰下子能得珠者必遭其睡也王贊曰老子曰大道甚夷民好徑謝靈運詩曰昏旦變氣候山水含清暉清暉能娛人遊子澹心歸又

送蕭三十一之魯中兼問稚子伯禽

六月南風吹白沙吳牛喘月氣成霞水國鬱蒸不可

處時炎道遠無行車夫子如何涉江路雲帆嫋嫋金

陵去高堂倚門望伯魚魯中正是趨庭處我家寄在

沙丘傍三年不歸空斷腸君行既識伯禽子應駕小

車騎白羊

齊賢曰世說蕭奮對晉瓦曰臣猶吳牛見月而喘注今之水牛生江淮間謂之吳牛南土多暑而此牛畏熱見

月疑是日所以見月則喘戰國策齊王孫賈之母謂賈曰汝朝出而晚來期吾何門而望孔鯉字伯魚論語他日又獨立鯉趨而過庭士贊曰顏延年詩水國周地險范彦龍詩水國富夷哥古詩涉江採芙蓉馬融廣成頌張雲帆神悅壽齊詞嫋嫋兮秋風史凶友傳曰兒能騎羊射鳥鼠

送楊山人歸嵩山

我有萬古宅嵩陽玉女峯長留一片月挂在東溪松

爾去掇仙草菖蒲花紫茸

一作君行到此歲晚或相峯養霞駐衰容

訪青天騎白龍

齊賢曰晉山有玉女峯也補子曰高蒲須石上
人居壺中凡民也漢武帝嵩山登大愚不起道宮使董仲舒東方
朔等齋祭思神至夜忽見仙人長二丈耳出頭顱下至肩武帝禮而
問之仙人曰吾九疑之人聞中岳石上高蒲一寸九節可以服之長
生故來來自忽失神人所在帝顧侍臣曰彼非齊道服食者必中岳
之神以喻朕耳為之采高蒲服之經二年竟夢不決遂止時從官多
服然莫能持久唯王與聞仙人教武帝乃採服之不息遂得長生鄰
里老小皆云世見之神仙傳大真夫人名
姽羅與馬明生居所往往常有白龍迎之

送殷淑三首

海水不可解連江夜為潮俄然浦嶼闊岸去酒船遙
惜別耐取醉鳴榔且長謠天明爾當去應便有風飄

齊賢曰柳漁人所擊夜也
王斌贊曰劉琨詩引領長謠

其二

白鷺洲前月天明送客迴青龍山後日早出海雲來
流水無情去征帆逐吹開相看不忍別更進手中杯

齊賢曰史正志碑秦淮與外江夾一洲曰白鷺士贊曰
鮑照詩云徘徊留連不忍散陶潛詩云且進杯中物

其三

痛飲龍筇下燈青月復寒醉歌驚白鷺半夜起沙灘

送岑徵君歸鳴皋山

岑公相門子雅望歸安石奕世皆夔龍中台竟一作

三拆至人達幾兆高揖九州伯柰何天地間而作隱

論客貴道能一作全真潛輝卧幽鄰探元入窅默觀

化游無垠齊賢曰孟嘗君曰將門必有將相門必有相晉謝安字
安石少有志名奕世出累世也張華為開府儀同三司少

子騰以中台星拆勸華遜位不從曰天道玄遠唯修德耳罕見誅列

為九州伯桓譚新論曰天下神人五十一曰神仙二曰隱淪謝靈運詩

既往隱淪客莊子黃成子曰至道之精窈窕冥冥至道之極昏冥

高揖七州外記聘義曰天下莫不貴者道也莊子孔子曰子之道非
可以全真者也嵇康詩志在守璞
養素全真賈誼賦曰比無垠
光武有天下嚴陵為故人

雖登洛陽殿不屈巢由身余亦謝明主今稱偃蹇臣
登高覽萬古思與廣成鄰蹈海寧受賞還山非問津
西來一搖扇共拂元規塵齊賢曰莊子黃帝聞廣成子在空
同之上往見之論語使子路問津
王導傳庾亮據上流擁強兵導內不能平嘗遇西風塵起舉扇自蔽
徐曰元規塵汚人王贊曰江淹詩偃蹇尋青雲阮籍詩登高望九州
豐碑詩登高眺遠荒頽延之詩萬古占陳
性還張子陵及魯連蹈海事並見二卷

送范山人歸太山

魯客抱白鶴一作雞別余往泰山初行若片雲一作雪杳

在青崖間高高至天門日觀海一作日觀近可攀雲山望不

及此去何時還齊賢曰漢官儀曰太山東名曰日觀雞一鳴時
見日始出長三丈所至贊曰泰山記云泰山盤

道屈曲而上凡五十餘盤經小天門大天門西巖為仙人石門東巖
為介丘東南巖名曰日觀詩云瞻望不及江淹詩曰黃雲蔽千里隨

子何
時還

分類補註李太白詩卷之十七

分類補註李太白詩卷之十八

送

送韓侍御之廣德

昔日繡衣何足榮今宵貫酒與君傾暫就東山賒月

色酣歌一夜送泉明

士贊曰繡衣相如貫酒謝安東山事見前

白雲歌送友人

楚山秦山多白雲白雲處處長隨君君今還入楚山

裏雲亦隨君渡湘水水上女蘿衣白雲早卧早行君

早起

士贊曰此詩已見第六卷特首尾數語不同而此則尾語差拙恐是初本未經改定者今兩存之

送通禪師還南陵隱靜寺

我聞隱靜寺山水多奇蹤巖種朗公橋門深杯渡松

道人制猛虎振錫還孤峯他日南陵下相期谷口逢

齊賢曰傳燈錄婺州有木陳從朗禪師劉宋時杯渡者不知姓名常乘木杯渡水惠忠禪師居禪祿寺有供僧穀兩廡盜若窺虎而守之縣令張遂至山頂謁問師有何徒弟師曰有三五人遂曰如何得見師敲禪床有二虎哮吼而出遂驚怖而退永嘉真覺禪師初至曹溪參六祖達磨於二匝振錫而立唐南陵縣隸宣州士贊曰真祥記沙門康法朗晉永嘉中人也

送友人

青山橫北郭白水遶東城此地一為別孤蓬萬里征

浮雲遊子意落日故人情揮手自茲去蕭蕭班馬鳴

齊賢曰曹植詩轉蓬離本根飄飄隨長風類此客遊子消軀從遠戎毛詩蕭蕭馬鳴左傳有班馬之聲士贊曰鮑照無賦孤蓬自振驚沙坐飛向日孤蓬草也無根而隨風飄轉者自喻客遊也江淹詩岧然萬里遊古詩浮雲蔽白日遊子不顧反更范曄曰緜袍戀戀有故人之意任昉詩一朝萬化盡猶我故人情劉玄休詩揮手從此辭

送別

斗酒渭城邊壚頭醉不眠梨花千樹雪楊葉萬條煙

惜別傾壺醕臨分贈馬鞭看君潁上去新月到應圓

齊賢曰選古詩斗酒相娛樂漢書註師古曰賣酒之處累土為廬以居酒瓮四邊隆起其一而高形如銀壚故各壚耳左傳士會自秦歸晉繞朝贈之以策唐顧上縣錄頓州改陰郡王贊曰楚詞思不眠以至醒陶潛詩曰斗酒聚比鄰又不眠知夜永又傾壺絕餘溼毛詩云有酒醉我

江上送女道士褚三清遊南嶽

吳江女道士頭戴蓮花巾霓衣不濕雨特異陽臺雲足下遠遊履凌波生素塵倦尋向南嶽應見魏夫人

齊賢曰太霄經曰人行大道謂之道士周穆王因尹軌制樓觀遠召幽逸之人為道士楚詞青雲衣兮白霓裳陽臺雲見前洛神賦遠遊之文履又凌波微步羅襪生塵集仙錄魏夫人者任城人晉魏舒女各車存字賢安如道適南陽劉文字幼彥生二子曰樊曰曼二子粗立乃齋于別寢將逾三月太極真人等來降授神真之道在世八十二年以晉成帝咸和九年清虛真人玉篋與東華青童與夫人成藥兩劑服之白日上昇領上真司命帝嶽夫人比秩仙公使治天台大霍仙洞臺中

送友人入蜀

見說蠶叢路崎嶇不易行山從人面起雲傍馬頭生

芳樹籠秦棧春流遶蜀城升沉應已定不必問君平

士贊曰蠶叢棧道又嚴君平賣卜於成都市並見前南都賦下家籠而崎嶇阮籍詩芳樹垂綠葉謝朓詩雲行芳樹低江朝請淥水曲春流崑

送趙雲卿

白玉一杯酒綠楊三月時春風餘幾日兩鬢各成絲

秉燭唯須飲投竿也未遲如逢渭川獵猶可帝王師

送李青歸南葉陽川

伯陽仙家子容色如青春日月秘靈洞雲霞辭世人

化心養精鬼隱几窅天真莫作千年別歸來城郭新

齊賢曰神仙傳老子各耳字伯陽楚國苦縣曲仁里人其母感大流星而有娠雖受氣天然見於李家猶以李為姓或云老子先天地生或云天之精鬼蓋神靈之屬或云母懷之七十二年乃生生時剖母左腋而出生而白首故謂之老子或云其母無夫老子是母家之姓

或云老子之生適至李樹下而生老子生而能言指李樹曰以此為我姓或曰上三皇時為玄中法師下三皇時為金闕帝君伏義時為鬱華子神農時為九靈老子祝融時為廣壽子黃帝時為廣成子顓頊時為赤精子帝嚳時為錄圖子堯時為務成子舜時為尹壽子禹時為真行子湯時為錫則子文王時為支邑先生一為守藏史皆見於君書不出於神仙正傳未可據也葛稚川云按西冥中胎及復命胎及珠龍玉机全篇內經云老子黃白面色美鬚鬚黃頰長耳大目踈齒方口厚脣額有三五達理日角月懸鼻純骨雙柱耳有三漏門足踏三五手把十文以周文王時為守藏史武王時為柱下史時俗見其以壽故號老子齊賢曰謝靈運嘗於永嘉西堂思詩竟日不就今始歸城郭猶是人民非江淹詩雲霞肅川漲郭璞江賦紉驚淪之列真健異人之精鬼江淹詩懷襄尋青雲八隱淪駐精靈道人讀丹經方士煉玉液左傳心之精爽是為魂鬼孟子子隱几而臥莊子南郭子綦隱几而卧仰天而嘘嗒焉似喪其偶

送舍弟

吾家白額一作駒遠別臨東道他日相思一夢君應

得池塘生春草齊賢曰謝靈運嘗於永嘉西堂思詩竟日不就

曰吾家白額駒是涼武昭王事也按晉史武昭王昌字玄盛姓李氏前漢將軍李廣之十六世孫玄盛少好學長習武藝與呂光太史令郭襲之其同母弟宗繇同宿襲起請繇曰君當位極人臣李君有國士之分家有駒黃馬生白額駒此其時也呂光未京兆段業自稱

李詩註卷十八

三

涼州牧署玄盛效殺令會熒煌太守之曲敏卒於是護軍郭兼等以玄盛溫毅有惠政推為熒煌太守玄盛初難之會宋繇仕於郭告歸熒煌言於玄盛曰兄忘郭襲之言耶白額駒今生矣玄盛乃從之自是郭襲有秦涼遷都酒泉及虜國人上謚曰武昭王至唐朝尊上謚號曰興聖皇帝此言吾家白馬駒者亦謂同所自出云爾亦老杜詩龍準自與常人殊之意也揚脩書曰吾家子雲阮籍詩天馬出西北由來從東

送別得書字

水色南天遠舟行若在虛遷人發佳興吾子訪閑居

日落看歸鳥潭澄羨一作躍魚聖朝思賈誼應降紫

泥書齊賢曰詩云於切魚躍史記曹孟在長沙歲餘徵見龍右記

階州武都郡紫水有泥其色亦紫而粘真之用封國書目士

送麴十少府

試發清秋興因為吳會吟碧雲飲海色流水折江心
我有延陵劍君無陸賈金艱難此為別惆悵一何深

齊賢曰潘安仁秋興賦序云于時秋也故以秋興命篇魏文帝詩亦
行至吳會江淹詩曰暮暮垂天合陸賈孝惠時呂后用事賈自度不能
爭之乃病免有五男乃出所使越秦中表賣千金分其子子二百金
今為生楚詞惆悵兮私自憐王贊曰延陵季子挂劍徐君墓事見
前曹植詩離思一何深

送張秀才謁高中丞 并序 婁陽

余時繫尋陽獄中正讀留侯傳秀才張孟能蘊
胡之策將之廣陵謁高中丞余喜子房之風感激
於斯人因作是詩以送之

秦帝淪玉鏡 一作六維 滅金虎 留侯降氛氲感激黃石老

過滄海君壯士揮金槌報讎六國聞智勇冠終古肅

陳難與群 齊賢曰維書曰秦失金鏡喻明道也漢張良傳秦威
士為嚴鉅重百二十斤阻擊秦皇帝博浪沙中誤中副車秦帝大怒
大索天下求賊甚急良乃逃匿下邳嘗縱步遊下邳圯上有一老父

衣褐至良所直墮其履比下曰孺子下取履良愕然下取履因長跪
進之父以足受笑曰孺子可教後五日平明與我會此出一編書曰

李詩註卷十八

四

讀此則為王者師後十年陳涉起沛公畧地下邳張良遂屬焉漢書
賈張良之智勇士贊曰沈約芳樹詩氛氲此一香雪賦氛氲蕭索盧
諶詩智勇冠當世莊子終兩龍爭鬪時天地動風雲酒酣

英謀信奇絕夫子揚清芬 絕一作夫子 補一 胡月入紫

微三光亂天文高公鎮淮海談笑却妖氛採爾幕中

畫戡難光殊勳我無燕霜感玉石俱燒焚但洒一行

淚臨岐竟何云 齊賢曰光武紀赤伏符曰四夷雲集龍闈野漢

書本傳魯仲連曰所貴於天下之士為人排患難解紛亂而無取也

孟子曰猶解倒懸也史記項王乃與漢約中分天下割鴻溝以而為
漢東為楚胡祿山也祿山死曰太白食月其氏星經紫微宮二十四
星在北斗北東垣七西垣七主大帝坐天子常居漢郊化志祀天則

笑却秦軍鄒衍盡忠於燕燕王疎之術仰天而嘆六月為之降霜尚

書火炎昆罔士不俱焚王贊曰韓信傳兩龍方闕易雲從龍風從虎

聖人作而萬物胡班固答賓戲波皆躡風雲之會後漢二十八將論
曰威能感會風雲奮其智勇史漢高祖酒酣高祖擊筑自為歌詩應
邠曰不醒不醉曰酣一曰酣洽也前漢士嘉傳臨事倉卒乃求首級

博論曰自帝遷西京山東騰沸天下之命危懸矣首君問關以從當
此期紆氏於倉卒也賈誼治安策曰天下之勢方倒懸足反居上首
顛居下倒懸如此莫之能解陸機文賦誦先人之清芳桓冲傳史臣
曰揚芬千載之上北史高琳詩曰何以報天子沙漠淨妖氛謝眺張
字房詩燒
燒幕中書

尋陽送弟昌峒鄱陽司馬作

桑落洲渚連滄江無雲煙尋陽非剡水惚見子猷船
飄然欲相近來遲杳若仙人乘海上月帆落湖中天
一覩無二諾朝歡更勝昨爾則吾惠連吾非爾康樂
朱紱白銀章上官佐鄱陽松門拂中道石鏡迴清光
搖扇及干越水亭風氣涼與爾期此亭期在秋月滿
時過或未來兩鄉心已斷吳山對楚岸彭蠡當中州
相思定如此有窮盡年愁

王子猷雪夜訪戴安道於剡中見前漢郭林宗與弟惠連族弟靈運族弟靈運靈運族弟靈運靈運族弟靈運

李詩註卷十八

康樂公禮大夫絳色比黃朱其體前方後梓角其繪山詩曰二
市師古曰漢儀銀印在龜紐其文曰章請刻曰其官之章司馬部之
佐也謝靈運詩攀崖照石鏡牽紫入松門極野工靈地七心自入湖二
百三十里窮於松門東西四十里青松編於兩峯張僧陸尋陽石
鏡山東有一圓石懸崖明淨照人見形巖助傳注南王安書曰越人
欲為愛必先田餘干界中章昭曰越邑今鄱陽詩干縣是也望子記時
過然後季則勤若而難成王實曰淮南子曰五與汗漫期于九域之
外魏文帝詩朝與生人期日之殊不來江淹詩秋月映廉櫺又日客
曹重玄口住人殊未來又素心
正如此曹植詩相思無絲極

餞校書叔雲

少年費白日歌笑矜朱顏不知忽已老喜見春風還
惜別且為歡徘徊桃李間看花飲美酒聽鳥臨晴山
向晚竹林寂無人空閉關

齊賢曰文選占詩思凡人之入老也歲
月忽已晚康所與交者阮籍山

詩向秀劉伶相見子咸三或為竹林之遊出謂竹林七賢類延年詩
劉伶善閉關子實曰所籍詩平生少年時轉薄好飲歌吹約詩平生

少年日分羊身前期及爾同良暮暮復別離時王粲詩白日勿心已曠
漢高后紀紀排徊姓來古詩攬衣起銑泗江淹賦攀桃李兮不忍別古
詩不如飲美酒
詩詞國無人可

送王孝廉覲省 馬盤江

彭蠡將天合姑蘇在日邊寧親候海色欲動孝廉船
窈窕晴江轉參差遠岫連相思無晝夜東泣似長川

齊賢曰姑蘇臺唐蘇州吳郡以其近東海曰所出之地故云日邊揚子孝莫大乎寧親劉恢為丹陽尹張馮慈請恢候留宿明日乃還船須臾恢出傳教求張孝廉解召同載時人榮之王揖貝曰鮑照登大雷岸與妹書曰西則回江永指長波天台曹據詩窈窕山道深陶潛詞既窈窕以尋壘子虛賦空翠參差曹植詩相思無終極子孟子曰不舍晝夜孔叢子曰夜以思之書以行之

同吳王送杜秀才舉入京

秀才何翩翩王許回也賢暫別廬江守將遊京兆天
秋山宜落日秀木出寒煙欲折一枝桂還來鴈沼前

齊賢曰古有秀才一科故永明九年策秀才文曰問秀才高第明經平原君翩翩濁世之任公子也唐呂元宗時為陳留太守持節河南道節度採訪使子獻嗣王論語賢哉回也唐廬州廬江郡京兆府京兆郡運命論曰木秀於林風必摧之士登且曰賈誼傳曰聞其秀才後漢左雄等傳論曰漢初訪舉賢良方正州郡舉孝廉秀才亦貢士之方也唐選舉志其科之自有秀才自後士人通稱謂之秀才與

延年詩陰谷曳寒煙晉郡詵對武帝曰臣舉賢良對策為天下第一猶桂林之一枝崑山之片玉

洞庭醉後送絳州呂使君果流澧州 江夏

昔別若夢中天涯忽相逢洞庭破秋月縱酒開愁容
贈劔刻玉字延平兩蛟龍送君不盡意書及鴈迴峯

齊賢曰繫辭言不盡意士持貞曰古詩各在天一涯漢田儉傳縱酒註師古曰縱放也放意而飲酒食至延平津躍水化龍及迴鴈峯亭見前江淹別賦送君南浦傷如之何

與諸公送陳郎將歸衡陽 并序

仲尼旅人文王明夷苟非其時聖賢低眉况僕之不肖者而遷逐枯槁固非其宜朝心不開暮髮盡白而登高送遠使人增愁陳郎將義風凜然英思逸發來下曹城之榻去邀才子之詩動清興於中流泛素波而徑去諸公仰望不及連章祖之序慙

起子輒冠名賢之首作者嗤我乃為撫掌之資乎
衡山蒼蒼入紫冥下看南極老人星迴颺吹散五峯
雪往往飛花落洞庭氣清嶽秀有如此郎將一家拖
金紫門前食客亂浮雲世人皆比孟嘗君江上送行
無白壁臨岐惆悵若為分齊賢曰禹貢岷山之陽至子衡山莊子天之蒼蒼其正色耶其色也
經老人一星在弧南為南極星主壽常以秋分日見去參三丈出丙入丁五時候之出二十日却沒見則大赦天下安王者壽五峯謂祝融紫蓋天柱石靈芙蓉峯也洞庭及南嶽見前揚雄解嘲紆青拖紫拖世賀反史靖郭君田嬰子名文為孟嘗君待客坐語而屏風後常有侍史主記君所與客語問親戚居處客去孟嘗君已使使存問獻饋士以此多歸孟嘗君曹植詩惆悵盈懷抱于賢曰江淹詩太谷梅蒼蒼曹植詩何意迴颺舉漢書吳王傳寡人金錢在天下者往往而有禮記有如此者前漢百官公卿表曰相國丞相秦官金印紫綬後漢馮衍傳曰經歷顯位懷金垂紫史記孟嘗君名文姓田氏卒諡為孟嘗君相齊時封萬戶於薛其食客二千人人史記異知說趙廣成王
一見賜黃金百鎰白壁一雙
楚詞云惆悵兮而私自憐

送趙判官赴黔府中丞叔幕

廓落青雲心結交黃金盡富貴翻相忘令人忽自哂
蹭蹬鬢毛斑盛時難再還巨源咄石生何事馬蹄閒
綠蘿長不厭却欲還東山齊賢曰楚詞廓落兮羈旅而無友生戰國策蘇秦說秦王言十上而說不行黑貂之裘弊黃金百斤盡去秦而歸百里奚仕秦其妻歌曰百里奚奚五羊皮憶別時烹伏雌炊麥飯今日富貴忘我為海賦蹭蹬窮波註失勢貌山濤字巨源辟河南從事與石鑿共宿濤夜起蹴金

日今為何等時而眠耶知太傅卧何意鑿曰宰相三不朝與尺一令歸第知何慮也濤曰咄石生無事馬蹄閒耶投傳而去未二一年果有曹爽事郭璞詩綠蘿結高林謝靈運詩夕欲還東山註東山會稽始寧也王贊曰史范曄傳不意君能自致於青紫之上
蘇武詩結交亦相因後魏李冲年四十一鬢髮盡斑

君為魯曾

子拜揖高堂裏叔繼趙平原偏承明主恩風霜摧獨
坐旌節鎮雄藩虎士秉金鉞蛾眉開玉樽才高幕下
去義重林中言水宿五溪月霜啼三峽猿東風春草
綠江上候歸軒齊賢曰史記曾參南武城人字子輿孔子以為能通孝道故授之業作孝經史記趙勝喜賓客

客至數千人是為平原君後漢宣秉拜中丞光武特詔中丞與司
歲尚書令會同並專席而坐京師語曰二纒坐唐制節度使辭日賜

雙旌雙節詩云四國于蕃四方于宣離騷衆女嫉余之蛾眉屈康與阮籍向秀劉伶籍兄子咸王戎爲竹林之遊世謂竹林七賢五溪三峽見前註王贊曰荆州記古歌曰巴東三峽巫峽長後帝三聲斷人腸陸機詩置酒高堂謝靈運詩水宿淹晨暮

送陸判官往琵琶峽

水國秋風夜殊非遠別時長安如夢裏何日是歸期

王贊曰顏延年詩水國周地險蘇武詩良人遠別離各在天一方

送梁四歸東平

下壺挈美酒送別強爲歡大火南星月長郊北路難

殷王期負鼎汶水起垂竿莫學東山卧參差老謝安

齊賢曰秦子曰玉壺必求其所以盛干將必求其所以用鮑明遠白頭吟清如玉壺冰堯典曰日永星火以正仲夏孔安國云火蒼龍之中星史記伊尹名阿衡欲干湯無由乃爲有莘氏媵臣負鼎俎以滋味說湯六公望呂尚東海上人以漁釣干西伯西伯出獵遇於渭之陽漢志泰山郡汶水出萊母西南入濟晉書謝安初高卧東山諸人每相與言安石不起嵇如蒼生何王贊曰謝眺詩垂竿深澗底又參差出祀忽忽思歸賦曰沉舟於清冷之淵垂竿於巖澗之下

李詩卷一八

江夏送友人

雪點翠雲裘送君黃鶴樓黃鶴振玉羽西飛帝王州

鳳無琅玕實何以贈遠遊徘徊相顧影淡下漢江流

齊賢曰黃鶴樓在鄂州圖經云費文偉得仙駕黃鶴想此謝眺詩金陵帝王州離騷益傳曰南方有鳥其名爲鳳天爲生樹曰瓊枝高百二十寸大二十圍以琅玕爲實楚詞云願輕舉而遠遊列子顧若影則知之王贊曰宋玉賦主人之女上翠雲之裘禮記子路去魯謂顏淵曰何以贈我鮑照詩留連徘徊不忍散魏志文帝紀註曰顧影憐形

送郗昂謫巴中

瑤草寒不死移植滄江濱東風灑雨露會入天地春
予若洞庭葉隨波送逐臣思歸未可得書此謝情人

齊賢曰江淹別賦惜瑤草之徒芳楚詞洞庭波兮木葉下傅執七激曰聞君逐臣王贊曰謝眺詩迴顧蒼江流陳琳檄曰蕭索漂漂日願逐臣對撫心漢書曰願從思歸之士

江夏送張丞

欲別心不忍臨行情更親酒傾無限月空醉幾重春
藉草依流水攀花贈遠人送若從此去迴首泣迷津

齊賢曰天台山賦精妻薄之芳草蔭落落之長松別賦送君南浦傷
如之何王贊曰潘岳詩欲去復不忍任助詩時乖不忍別欲以遣離
情鮑照詩惆悵愴情親楚詞臨流水而嘆息蘇武
詩我有一樽酒欲以贈遠人毛詩箋曰迴首曰顧

賦得白鷺鷥送宋少府入三峽

白鷺拳一足月明秋水寒人驚遠飛去直向使君灘

齊賢曰使君灘在岷州

送二季之江東

初發強中作題詩與惠連多慙一日長不及二龍賢
西塞當中路南風欲進船雲峯出遠海帆影挂清川

禹穴藏書地匡山種杏田此行俱有適遲爾早歸旋

齊賢曰謝靈運有登臨海嶠初發疆中作與從弟惠連見羊何共和
之詩靈運遊名山記云桂林頂遠則曠天疆中論語以吾一日長乎

爾謝覽弟與覽齊名江淹一見並相欽挹曰所謂賦二龍於長途者
也西塞山在鄂州表宏東征賦沿西塞之峻嶒陶潛詩負雲多奇峯
禹穴見前廬山記匡俗結廬於山故號匡廬山董奉居廬山治疾病
重者種杏五株輕者一株號曰董仙杏林謝靈運詩登樓為誰思臨
江運來客注遲猶思也王贊曰家語顏回問於孔子臧文仲武仲孰
賢孔子曰武仲賢哉回曰夫文仲其身沒而言不朽惡未有見孔子
曰身沒而言立所以為文仲也然猶有不仁者三不智者三是則不
及武仲也漢書傳曹參曰陛下觀參與蕭何孰賢曰君以不及也
魏詩中路阻頭謝靈運詩滅亦入雲
峯又三載期歸流毛詩云言旋言歸

江西送友人之羅浮南昌

桂水分五嶺衡山朝九疑鄉關湫安西流浪將何之
素色愁明湖秋渚晦寒姿疇昔紫芳意已過黃髮期

齊賢曰楚詞桂水兮潺湲鄒德南康記云大庾嶺一桂陽甲嶺嶺二
九真都龍嶺三臨賀嶺四始安越嶺五裴氏廣州記云大庾始
安臨賀桂陽揭陽是五嶺衡山一名响嘯山宿當於翼雁嶺故曰
衡山九嶷山見三卷唐安西大都護府初治西州後徙治高昌故地
又徙治龜茲而故府復為西州交河郡謝靈運詩願以黃髮期養生
念將老王贊曰鮑照詩流浪漸舟經三益忽有白髮素髭生陶潛祭
從年敬遠文云余嘗學仕纏綿人爭流浪無成懼負素志欲策歸來
爾知我意張載詩疇昔懷微志江巷詩終觀紫芳心李善曰紫芳紫

爾知我意張載詩疇昔懷微志江巷詩終觀紫芳心李善曰紫芳紫

芝也曹植詩曰王其愛玉體俱
享黃髮其尚書云詢茲黃髮
君三縱跡散雲壑借巢夷爾

去之羅浮我還想峨眉中闊道萬里霞月遙相思如

尋楚狂子瓊樹有芳枝
齊賢曰太白供奉翰林道不合辭去
詔賜金還山北山移文我雲壑巢

父伯夷羅浮峨眉山見前論語楚任接與張揖註曰瓊樹生崑崙
西李陵贈蘇武詩思得瓊樹枝以解長飢渴士贊曰謝朓詩疎散謝
公知蕭條依塚史陸雲詩永路隔萬里鮑照詩風雨好
東西一隔頓萬里江淹詩願一見顏色不異瓊樹枝

宣州謝朓樓餞別校書叔雲

棄我去者昨日之日不可留亂我心者今日之日多

煩憂長風萬里送秋鴈對此可以酣高樓蓬萊文章

建安骨中間小謝又清發俱懷逸興壯思飛欲上青

天覽日月抽刀斷水水更流舉杯銷愁愁更愁

人生一作兒在世不稱意明朝散髮弄扁舟

孔安國曰樂酒曰酣蓬萊指掖書也後漢學耆每東顧為老氏藏室
道家蓬萊山建安末郭中有魏太子王粲陳琳徐幹劉楨應瑒阮瑀

平原侯植等詩又皆入文選故曰建安骨也謝靈運子鳳字超宗作
殷淑儀誄帝大嗟賞曰超宗殊有鳳毛族弟惠連十歲能屬文靈運

嘉賞之二云每有篇章對惠連輒得佳話謝朓字玄暉縉之子少學有
美名善草隸長五言詩沈約嘗云二百年來無此詩也王贊曰成公

緩蕭賦集長風乎萬里陸機詩長風萬里舉五臣選曹植詩絃歌
思誰與銷愁古詩齊心同所願合意俱未伸人生寄一吐奄忽若飄

塵鮑照詩男兒生世轉軻欲何道茫茫後漢書曰袁閔散髮絕世鍾
會遺榮賦散髮抽簪永絕一丘張協詩抽簪解朝衣散髮歸海隅史

記范蠡既會稽之恥
乃乘扁舟浮於江湖

宣城送劉副使入秦

君即劉越石雄豪冠當時淒清橫吹曲慷慨扶風詞

虎嘯俟騰躍雞鳴遭亂離千金市駿馬萬里逐王師

結交樓煩將侍從羽林兒統兵捍吳越豺虎不敢窺

大勳竟莫叙已過秋風吹

齊賢曰晉書劉琨字越石少得雋
朗之目與范陽祖約俱以雄豪著

名元嘉元年為并州刺史在晉陽嘗為胡騎所圍數重城中窘迫無
計琨乃乘月登樓清嘯賊聞之皆褻然畏懼中夜奏胡笳賦又流涕
數敘向曉復吹之賊並棄圍而走橫吹見三卷劉琨有扶風歌祖約
與琨俱為司州主簿共被可寢中夜聞流笳聲琨覺曰此非惡聲

也因起舞戰國策郭隗謂燕昭王曰古之君人有以千金求千里馬者三年不能得洵人請求之君遺之三月得千里馬馬已死買其首五百金反以報君不期年千里之馬至者三丈項羽紀漢有善射者樓煩楚挑戰三台樓煩射殺之應邵曰樓煩胡也今樓煩縣漢百官公卿表武帝太初元年初置建章營騎後更名羽林騎又取從軍死事之子孫養羽林官教以五兵號曰羽林孤兒王贊曰劉越石扶風歌曰去家日已遠安知存與亡陳慆窮林中抱膝自漉識張衡思之臣虎肅而谷風冽龍興而致雲氣雞鳴雖本傳事然對偶則祖陸機詩云虎肅深谷底雞鳴高樹巔淮南子曰人生有伐國之志邑大羣嗥衆雞夜鳴晉載記曰雞夜鳴者不利於行師毛詩亂離瘼矣王粲詩西京亂無象豺虎方構患張載詩季世喪亂起盜賊如豺虎秉鉞有季公凜然負英姿寄深且戎幕望重必公口司感激一然諾縱橫兩無疑伏奏歸北闕鳴騶勿心西馳列將咸出祖英寮惜分離斗酒蒲四筵歌嘯宛溪湄君攜東山妓我詠北門詩貴賤交不易恐傷中園葵

齊賢曰善左杖黃鉞右秉白蓮戊幕將幕也羊祐表云恩詔拔臣使同台司註台司二公也曹植詩李布重然諾漢書賈高趙國立各義不侵為然諾者也史記太史公曰夫言縱衡強秦者大抵皆二晉之人蕭何立東關北關北山移文鳴騶入公如淳漢書註騶馬以給騶

使乘之崔寔四民月令曰祖道神也黃帝之子好遠遊死於道路故祀以為道神以求道路之福毛詩仲山甫出祖陸約以斗酒與桓溫別事見前宛溪錄宣州晉書謝安寓居會稽鏡放情立誓然每游賞必以妓女從毛詩比門刺什不得志也言衛之忠臣不得其志爾上心詩採葵莫傷根結交莫羞貧傷根葵不生羞貧交不成王贊曰詩云其嘯也歌左思詩何事待嘯歌權木自悲吟漢鄭當時傳曰一貴一賤交情乃見 昔贈紫騮駒今傾白玉卮同歡萬斛酒未足解相思此別又千里一作此 外秦吳渺天涯月明關山苦水剽隴頭悲借問幾時還春風入黃池無令長相思折斷綠楊枝齊賢曰毛詩有駉註赤身黑鬣曰駉韓非子云棠谿公見昭侯曰人有白玉卮而無

當有瓦卮而有當君將何以飲曰以瓦卮棠谿公曰白玉卮美而君不以飲以其無當即為人主而漏出其君羣臣之語譬于卮之無當王褒燕歌行無復漢地關山月桂有漢北煎城雲史記吳大伯世家云吳王北會諸侯於黃池王贊曰江淹詩方作雲峯異豈伊千里別隴頭水見一卷註古詩上言長相思下言久離別李陵詩行人難久留各言長相思蘇武詩曰生當復來歸死當長相思

涇川送族弟錡

涇川二百里若耶羞見之錦石照碧山兩邊白鷺鷥

佳境千萬曲客行無歇時上有琴高水下有陵陽祠
仙人不見我明月空相知問我何事來盧敖結幽期

齊賢曰涇縣在宣州西一百五里若耶溪越州徐浩遊之曰曾子不居勝母之門吾豈遊若耶之溪改爲五雲溪顧愔之吹簫自尾至土頭曰漸入佳境宣州有琴高山琴溪即琴高向控鯉之地陵陽山寶子明得仙及盧敖事並見前蓬山振雄筆繡

服揮清詞江湖發秀色草木含榮滋置酒送惠連吾
家稱白眉愧無海嶠作敢闕河梁詩見爾復幾朝俄

然告將離齊賢曰後漢劉子若稱東觀蓬萊山謝惠連靈運族弟馬良眉有白毫於兄弟中取良靈運登臨海嶠與從弟惠連詩與子別山阿含酸赴脩軫中流袂就判袂去情不忍又云欲折一牛歡并奔千里遊李少卿與蘇武詩攜手上河梁送子暮何之徘徊路側悵恨不得辭王贊曰後漢靈運傳章少好學有文章是時學者稱東觀爲老氏藏室道家蓬萊山太僕靈康遂薦章入東觀爲校書郎陸機詩秀色若可餐張景陽詩秋草含綠滋中流漾綠鷁列岸叢金羈歎息

蒼梧鳳兮分樓瓊樹枝清晨各飛去飄落天南垂望極
落日盡秋深暝猿悲寄情與流水但有長相思齊賢曰鷁

李詩註卷十八水鳥午的反畫船頭爲鷁形曹植詩白馬飾金羈毛詩曰鳳凰鳴矣于彼高岡梧桐生矣于彼朝陽鄭玄曰鳳凰之性非梧桐不栖廣記曰南海人以刺桐爲蒼梧因以各郡梧州惟城外有三四株憔悴不榮未嘗開花瓊樹枝見前垂邊也李陵詩行人難久留各言長相思王贊曰謝靈運詩金羈相馳漢書表周匝三垂顏師古曰三垂謂此東南也沈約詩情晨暝伊水曹植詩清夜遊西園

五松山送殷淑

秀色發江左風流李若何仲文了不還獨立揚清波

載酒五松山頽然白雲歌中天度落月萬里遙相遇

撫酒惜此月流光畏蹉跎明日別離去連峯鬱嵯峨

齊賢曰張衡七辨曰淑性窈窕秀色美艷樂府詩秀色若可餐史記項王自爲詩曰虞兮虞兮奈若何殷仲文少有才藻美容貌謝靈運嘗曰君毅仲文讀書半表豹則文才不咸班固五松山在宣州南陵揚雄贊曰雄家素貧嗜酒人希至其門特有好事者載酒肴從遊學仙傳拾遺曰王母曰白雲在天道里悠遠山川間之將子無死尚能復來楚詞驪垂兩耳中坂蹉跎王贊曰晉王湛傳論曰朝野推其

風流齊張緒當年似揚柳風流淮南子曰卓然獨立塊然幽處魏文帝詩明月照高樓流光正徘徊傅休奕詩一絕如流光儕曰如月光流沒阮籍詩娛樂未終極白日忽蹉跎此晉衛恒論書曰山嶽嵯峨而連岡

送崔氏昆季之金陵

放一作吳歌倚東樓行子期曉發秋風渡江來吹落山

上月主人出美酒滅燭延清光二崔向金陵安得不

盡觴水客弄歸棹雲帆卷輕霜扁舟敬亭下五兩先

飄揚峽石入水花碧流日更長思君無歲月西笑阻

河梁齊賢曰金陵敬亭並見前郭璞江賦規五兩之動靜註兵書

許慎淮南子註曰晚侯風也晚音栢楚人謂之五兩李陵詩攜手上

華燭月露皓已盈江淹詩秋日照清光沈約詩清光信悠悠後漢

登黃山凌歊臺送族弟溧陽尉濟充泛舟赴

華陰當陰

鸞乃鳳之族翱翔紫雲霓文章輝五色雙在瓊樹栖

一朝各飛去鳳與鸞俱啼炎赫五月中朱曦燦河堤

爾從泛舟役使我心寬齊賢曰山海經女床之上有鸞鳥

為鸞鳥瑞應圖鸞者鳳凰之佐離騷云飄風屯其相離兮飾雲霓而來

御左傳秦歸晉粟自雍及絳命曰汎舟之役王贊曰楚詞乘鳥皆有

朱曦將由白江文通詩何用苦心寬秦地無草木南雲喧鼓

鼙君王減玉膳早起思鳴雞漕引救關輔疲人免塗

泥宰相作霖雨農夫得耕犁靜者伏草閒羣才滿金

閨空乎無壯士窮居使人低齊賢曰左傳野無青草毛詩

知傳開元二十一年秋兩言據京師飢帝將幸東都召問所以救人

者耀知曰陛下既東巡自司畢從則太倉二輔可遣重臣分道賑給

自東都益廣漕運以實關輔既實則與西還事茂不齊且國

粟一十萬略足今用度宸廣漕運數倍且不支臣願廣文運道使京

師常有三年食雖水旱不足憂天子然之拜黃門侍郎同中書門下

平章事充轉運使於是置河陰集津二明倉引大下租由盟津沂河

而西三年積七百萬石省運費二十萬緡左傳絳縣老人辱在塗泥

送君登黃山長嘯倚一作天梯小舟

婦賦靜閨門以第居

若鳧鴈大舟若鯨鯢開帆散長風舒卷與雲齊日入
牛渚晦蒼然夕煙迷相思在何許所杳在洛陽西

齊賢曰太白自註時在當塗即今之太平也黃山在城北峻歛臺
在其上毛詩弋鳧與鴈古今註推曰鯨鯢江賦長風騰以增扇
江淹詩卷舒雖萬緒牛渚磯隸當塗即温嶠蝦犀賦華陰在洛陽之
西下贊曰楚詞臨深水而長嘯潘岳詩長嘯歸東山陸機詩長風萬
里舉淮南子曰盈縮卷舒與時變化謝朓詩平楚正
蒼然任昉詩蓄意忍相思阮籍詩曰良辰在何許

送儲邕之武昌

黃鶴西樓月長江萬里情春風三十度空憶武昌城

送爾難為別銜杯惜未傾湖連張樂地山逐泛舟行

諾謂楚人重詩傳謝朓清澗浪吾有曲寄入棹歌聲

齊賢曰黃鶴樓見前孫權破關羽自公安徙都鄂改名武昌今鄂州
之東百二十里武昌縣即權攻呂翹黃州相對劉伶酒德頌銜杯漱
醪莊子北門成問於黃帝曰帝張成池之樂於洞庭之野吾聞之懼
復聞之怠謝朓詩洞庭張樂地蕭統帝子游季布傳曹丘生曰楚人
諺曰得黃金百斤不如季布一諾屈原漁父歌曰澹浪之水清兮可
以濯我纓下贊曰史記未嘗銜杯酒接慇懃之歡郭璞江賦漢漁父

歌之羅

分類補註李太白詩卷之十八

